



na painim aut  
moa long ol  
narapela  
promosens  
blong mipla  
bihain taim.

# ExxonMobil apim nem bilong PNG

Namba wan sipmen bilong  
LNG ges go aut long Trinde 14  
Me 2014...*Stori pes 2*

Katim kek: Praim Minista  
Peter O'Neill i katim kek long ama-  
masim Namba wan Likwifait Netural  
Ges i go aut long PNG. Sanap holim  
naip wantaim em, Menesing Dairekta  
bilong Exxon Mobil, Peter Graham na  
Gavana bilong Hela Provins, Anderson  
Aigiru i amamas wantaim PM.  
Poto: Nicky Bernard



Gas bilong PNG go  
aut nau - P2

Oi yangpela lukim  
piksa nogut long  
mobail fon - P13

Catholic Bishop  
Conference of PNG  
& Solomon Islands  
55th AGM meeting  
2014 - P14-15

## STET OV ORIJIN PROMOSEN



OR



Win

wantaim  
Ox & Palm  
long tripela  
gem!!

Pilai nau na bai yu  
gat sans long  
winim wanpela 40  
inch flet skrin TV.

Oi Wikli Winas bai  
winim ol Logitech  
Spika Sistem.

Sekim moa toksave  
long stua klostu  
long yu.

Promosen stat long  
05.04.14 i go pinis  
long 23.05.14.

2014

# MAY SPECIALS

FIJI  
K 94 PP  
TWIN SHARE  
NADI BAY RESORT  
STANDARD AIR CONDITIONED ROOM

HONIARA  
K 137 PP  
TWIN SHARE  
PACIFIC CASINO HOTEL  
DELUXE HIGHWAY VIEW ROOM

CEBU  
K 123 PP  
TWIN SHARE  
CROWN REGENCY RESIDENCES  
SUPERIOR ROOM

SINGAPORE  
K 157 PP  
TWIN SHARE  
HOTEL 81 DICKSON  
STANDARD ROOM

BALI  
K 88 PP  
TWIN SHARE  
IBIS STYLES HOTEL  
STANDARD ROOM

Conditions: • Fiji, Nadi - Must stay a minimum of 3 nights • Solomon Islands, Honiara - Must stay a minimum of 3 nights • Singapore - Must stay a minimum of 2 nights • Cebu - Must stay a minimum of 2 nights • Bali - Must stay a minimum of 2 nights (visa will be required) • Special Note: Airfares are not included



Air Niugini  
www.airniugini.com.pg



Call toll free on 180 2121  
or email: tours@airniugini.com.pg for more information





# Gas bilong PNG go nau



Ol papa graun bilong PNG LNG i amamas tru long lukim namba wan ges i go aut na bai bringim moa mani na gutpela sindaun long ples bilong ol.

## Nicky Bernard i raitim

**TRINDE 14 Me, 2014 Praitim Minista bilong yumi PNG, Peter O'Neill i opim na tok orait long gas bilong yumi ken go long ol narapela kantri long wol.**

Taim em i tok orait long woki-toki go long ol man husat i lukautim tep long kontrol rum bilong opim ges i

ron long paip i go long bikpela sip 'Spirit bilong Hela', olgeta manmeri i paitim han na amamas na sampela wari long namba wan taim ges bilong yumi i lusim kantri bilong yumi Papua Niugini.

Planti bilong ol memba long Palamen husat i kisim nem bilong ol papa graun tu bin go stap long dispela bikpela opening. Na ama-

mas bilong ol i bikpela tru bihain long bikpela hat wok na toktok i go kam na pepa wok long sampela yia go pinis.

Dispela wok bilong LNG i kamap klostu long 10-pela krismas nau na kaikai bilong em i tru tru kamap long dispela yia. Long bipo toktok i kamap olsem dispela paip lain bai ron antap long Hailens na go ol-

geta long Australia tasol ino bin kamap inap yumi yet kamapim long kantri bilong yumi yet.

Dispela namba wan gas bilong yumi taim i lusim bris long Mosbi na ron long sip long sol wara i go long Japan long dispela wik. Planti ol narapela kantri bai ai op long liklik kantri bilong yumi. We bipo ol save harim olsem yumi ol lain bilong

kaikai man na kilim yumi yet na ol nogut toktok ol i save harim long kantri bilong yumi. Tasol nau ol yet bai harim na lukim bikpela samting yumi mekim long salim ges bilong yumi go aut long ol.

Sindaun bilong yumi pipel bilong PNG bai senis taim dispela gas i go long ful ron bilong em long ol narapela kantri.

## ExxonMobil apim nem bilong PNG wantaim LNG sipmen

### I kam long pes 1...

PRAIM Minista, Peter O'Neill wantaim ol lida bilong nesen na Hela provins i bin amamas tru long lukim namba wan Likwifait Netural Ges (LNG) i go insait long namba wan sip bilong karim ges i go aut long Papua Niugini, asde Trinde 14 Me 2014.

"Tude yumi selebretim wanpela bikpela de long stori bilong Papua Niugini bihain long yumi kisim independens," Praitim Minista O'Neill i tok.

"Gavman na ol pipel bilong Papua Niugini i gat bikpela amamas long soim ol wol long dispela bikpela samting ExxonMobil PNG na ol patna bilong yu i mekim long kantri bilong mipela. Tenkyu ExxonMobil na ol patna long investim ol samting na mani bilong yu-pela long Papua Niugini long kamapim likwifait netural ges projek long namba wan taim tru," Mista O'Neill i tok.

"Dispela em i wanpela bilong ol ges projek insait long Esia Pasifik rijon we i pinisim wok bilong em pastaim long taim ol i makim long en. Em i soim piksa bilong nambawan kain wok ExxonMobil na Papua Niugini inap long mekim." Em i tok.

Praitim Minista O'Neill i tok dispela projek i putim PNG long wolstes olsem wanpela kantri husat i ken wok wantaim ol investa bilong narapela kantri long kamapim ol projek long taim stret. Em i putim bilip long dispela kantri na em i samting bilong olgeta Papua Niugini i ken kisim gutpela nem long en.

"Dispela sip, Spirit bilong Hela bai lusim PNG sampela de bihain long soim stat bilong ol pipel bai lukim moa gutpela samting i kam long kantri," Praitim Minista i tok.

Man i go pas long dispela bikpela wok, Menesing Dairekta bilong ExxonMobil PNG Limited, Peter Graham i gat bikpela amamas na bel isi na i mekim ol dispela toktok.

### PNG LNG Mailston:

- |     |                 |   |
|-----|-----------------|---|
| 1)  | Jun 2007        | Ges Agrimen Tem Sit                         |
| 2)  | 13 Mas 2008     | CDOA  |
| 3)  | 22 Me 2008      | Ges Agrimen                                 |
| 4)  | 23 Me 2009      | Pinis bilong UBSA                           |
| 5)  | Septemba 2009   | Wok i stat                                  |
| 6)  | 09 Disemba 2009 | LBSA wok i pinis                            |
| 7)  | 09 Disemba 2009 | Projek Senksen – Givim aut bikpela kontrak  |
| 8)  | 12 Mar 2010     | Pasim fanding                               |
| 9)  | Disemba 2012    | Paip plain long solwara i pinis             |
| 10) | Epril 2013      | Komo Ples balus i pinis                     |
| 11) | Septemba 2013   | Komisenim ges long LNG Plent                |
| 12) | Disemba 2013    | Komisenim ges long Hides ges kondisen plent |
| 13) | Februari 2014   | Paip plain long solwara i pinis             |
| 14) | Me 2014         | Namba wan ges i go aut                      |

"Mi bin wok long dispela projek inap planti krismas nau na stat long taim em i bin stap olsem 'PNG Ges Projek,' dispela de bilong salim namba wan kago bilong LNG i bin luk olsem i stap long we tru.

"Olsem na mi amamas tru long lukim dispela de i kamap karim kaikai tude. Mi sanap long hia tude wantaim namba wan LNG sip, 'Spirit bilong Hela' i anka long baksait bilong mi na namba wan kago bai pulimapim dispela sip sampela de bihain na i go long ol kastoma bilong yumi.

"Mipela i bin wok hat tru long lukim dispela de. Mipela bungim planti salens long ol yia i go pinis. Sampela taim, ol hevi mipela i bungim i bikpela tru, tasol wantaim gutpela ensinia wok, plening, na

nupela kain rot bilong wok wantaim ol gutpela lain bilong wok, mipela i klostu kamap long mak bilong win.

"Mi laik stori liklik long wanem kain samting bai kamap wantaim PNG LNG Projek. Mipela i bilip dispela projek bai kamapim moa long 9 trilion kubik fit ges; dispela em i wankain olsem yumi pulimapim bikpela Lek Kutubu 40 taim. Mipela i wok inap long 190 milien aua na em i wankain olsem wanpela man tasol i ken wok long 52,055 yia olgeta.

"Long olgeta hap bilong projek mipela i putim 800 kilomita paip plain. Long wokim ol paip plain long solwara mipela i yusim wankain mak bilong ain inap long wokim 20 Eiffel Tawa.

"Na hia long LNG Plent mipela i putim 2.2 milien mita kebel bilong ol ilektrikal na instramen koneksen inap tru long konektim Pot Mosbi i go bung wantaim Brisbane. Wan wan bilong tupela tenk yu lukim sanap i gat spes inap long holim wanpela boeing 747 jet balus insait. Ol as bilong ol samting bilong wok i stap long hia i winim 90,000 kubik mita konkrit, wankain olsem semen ol i yusim long wokim Sydney Haba Bris. Na sapos em i ais krim bisnis, pawa bilong kol rum bilong LNG Plent bai inap long kamapim wanpela hap kilogram ais krim bilong wan wan manmeri, pikinini insait long PNG olgeta 45 minit.

"Mipela i wokim ol dispela strongpela ples bilong wok insait long 4-pela yia tasol na insait long ol mun i go mipela rausim wok long han bilong ol konstraksen lain na givim isi isi go long ol prodaksen tim. Prodaksen tim bai lukautim ol dispela ples bilong wok na samting bilong wok na bai salim ges i go long ol kastoma bilong yumi inap long narapela 30 moa yia bihain.

"Tasol wok bilong mipela i no pinis tasol long hia. Mipela bai wok yet long ol yia i kam, long salim gutpela saplai bilong netsurel ges i go long ol 4-pela baia bilong mipela em, TEPCO, CPC Koporese,



Praitim Minista, Peter O'Neill i ridim tok orait long sip 'Spirit bilong Hela' bai redi long karim kago bilong LNG i go aut long Japan. Foto: Nicky Bernard



# Namba wan PNG LNG go aut long maket

**James G. Kila i raitim**

## NAMBAWAN PNG likwifait natural ges (LNG) i go aut long kantri asde.

Dispela i lukim moa long 150 kubik tan PNG likwifait natural ges (LNG) i lusim PNG na go aut long ovasis maket.

Menesing dairekta bilong ExxonMobil PNG Limited, Peter Graham i tokaut long dispela insait long wanpela kibung bilong ol niuslain na ol pablik rilesens opisa bilong maining na petroleum industri long Madang we PNG Semba ov Mains na Petroleum i kamapim las wik.

Mista Graham i no tokaut stret hamas milien Kina tru bai kam insait long kantri bihain long dispela namba wan LNG i go aut, bikos em i no laik long givim kain kain tingting long ol pipel hia. Tasol em i tok planti milien Kina stret bai kam insait long PNG.

Mi bin gat sans long makim Wantok Niuspepa na askim Mista Graham stret long wanem de stret bai namba wan LNG lusim kantri, tasol em i sakim het tasol na tok "klostu taim".

Mista Graham i tok olsem ol bikpela spesel LNG sip bai mekim ran long solwara na karim PNG LNG i go aut long maket 6-pela taim long wan wan wik.

Em i tokaut tu olsem wanpela long ol dispela sip we bai karim ol PNG LNG i go

aut long kantri bai i gat mak o sain olsem "Spirit of Hela" na dispela sip bai ran wantaim arapela long go kam.

"Dispela sip 'Spirit of Hela' i gat spesel mining long PNG LNG projek," Mista Graham I tok.

Em i tok long stat bilong sipmen, bai lukim tupela sip tasol i ran i go kam long karim LNG, tasol long bihain bai i gat 6-pela sip olgeta i ran. Nau yet tupela bikpela sip em ol i wokim i stap long bikpela fektori long Saina.

Mista Graham i tok olsem LNG prodaksen bai stat wantaim 100 milien stendet kubik fit long wan wan de long kamapim samting olsem 6.5 milien tan LNG long wan wan yia we bai ol i redim na salim LNG yusim tupela bikpela trein masin bilong ol we i stap long Papa-Lealea klostu long Mosbi.

Em i tok ol bikpela na long taim kastoma bilong PNG LNG i stap pinis, na namba wan sipmen bai go olsem long Japan. Bihain long en i gat tupela arapela bikpela kastoma i stap long Saina na Taiwan.

Mista Graham i tok olsem mani ol bai kisim bihain long ol i salim namba wan LNG em ol bai putim insait long wanpela tras akaun we olgeta join vensa olsem Stet na divelopa i tokorait long en pinis, na bihain long en ol bai brukim i go wan wan long ol lain patna.



Menesing Dairekta bilong ExxonMobil PNG Limited, Peter Graham toktok long tupela nius ripota Gynnie Kero bilong The National na James Kila bilong Ramu NiCo pablik rilesens long Madang. Poto: Mathew Yakai

## Tangit kisim opis long stretim pawa sevis

### CEO bilong PNG Pawa husat i bin stap long saspensen long sampela mun, nau i go bek pinis na kisim wok bilong em bek.

Na em i no go bek isi tasol, nogat. Em i go bek long mekim dispela strongpela wok bilong stretim gen pawa sevis long NCD na kantri.

"Mi statim wok tude bihain long PNG Pawa Bod i kisim mi bek long Mande 5 Me, 2014. Mi laik toksave long ol pablik olsem ol hevi i save kamap long laip bilong yumi long mekim yumi kamap strongpela manmeri. Olsem na mi gat bikpela amamas long mekim wok bilong PPL wantaim strongpela tingting long brinigim gutpela ilektrisiti sevis i go long ol pipel bilong yumi long PNG," Mista Tangit i tok.

Mista Tangit i tok moa olsem em i no gat kros long wanpela man na em i laik mekim wok strong long kamapim gutpela wok. Tasol em i laikim long kliaim nem bilong em na em i tok tenkyu long Bod bilong PPL long ol

i givim em opisel sas na givim em taim long bekim toktok bilong dispela ol sas.

Em i tok bai em wok wantaim Bod na Menesmen long strongim ol polisi na stendet bilong fainens sistem na pasin bilong baim ol samting bilong kampani. Dispela em i as bilong ol bod i bin rausim em long pastaim.

Em i tok olgeta peimen i bin go stret long ol kontrakta bihainim ol plen bilong wok. Na i no gat wanpela wok hait i stap long PPL tasol i tru ol menesmen i no bin lukluk gut tumas long taim bilong baim ol kontrakta olsem nan au PPL i kisim taim long dispela.

PPL i gat strongpela lo bilong yusim mani, na olgeta taim bai i gat odit long soim ol mani i go olsem wanem.

"Mi rispekim ol nupela bod memba olsem ol i saveman tru long wok bisnis. Olsem na wantaim helpim bilong ol PNG Pawa bai bihainim rot bilong em wantaim nupela rot long lukluk long ol salens aninit long Bisnis Plen bilong em.

**Are you an SME looking to grow?**

A BSP Smart Business Loan helps you build your pathway to success.

**Smart Business Loan**

- ✓ 100% loan financing
- ✓ No monthly fees
- ✓ Flexible interest rates
- ✓ No equity requirement

A pathway to **grow↑ business**

For more information

320 1212 / 7030 1212 - 24/7

servicebsp@bsp.com.pg

www.bsp.com.pg



Official Sponsor of the 2015 Pacific Games





# PNG LNG ges go aut long wol maket

**MEMBA** bilong Bulolo na Deputi Oposisen lida Sam Basil i askim Gavman sapos LNG projek bai daunim hevi bilong mani insait long kantri taim kantri i stat long salim LNG ges na kisim mani i kam insait long kantri.

Mista Basil i tok taim em go long ples, ol pipel i tokaut olsem prais bilong ol kaikai na ol samting long stua i go antap tru na ol i painim taim long baim nau.



Em i askim sapos Gavman i salim dispela LNG ges bai kantri i mekim hamas mani tru na bai dispela ges mani inap givim bek strong long Kina bilong kantri o nogat. Na tu bai LNG ges bai daunim ol bikpela dinau kantri i gat pinis o nogat.

Sapos LNG ges mani i bekim ol dinau bai hamas win mani stap bek long han bilong Papua Niugini.

Minista bilong Fainens, Patrick

Pruaitch, i tok olsem kantri i salim pinis namba ges long Trinde aste. Dispela em LNG ges bilong PNG we i go aut nau long wol maket.

Tasol em i no inap tokaut moa long hamas mani LNG ges projek bai wokim na hamas bai ol bekim dinau wantaim o hamas win mani bai kamap long en.

Bikos dispela samting i stap pinis long han bilong Ombudsmen

Komisin long karimaut ol wok painimaut bilong sapos olgeta samting i wok bihainim lo o nogat. Olsem na em i no inap toktok moa long dispela.

Tasol Gavman bai redim rot o plen bilong LNG mani bai kam long en na go long en ol wok we mani bai kirapim na kamapim insait long kantri taim olgeta samting i klia na go orait, Mista Pruitch i tok.



Don Polye i amamas long sindaun long sia bilong namel bens. Sia namba 103 baksait tasol long oposisen.

## Namba bilong polis fos i sot yet

NAMBA bilong ol polismanmeri long lukautim hevi bilong lo na oda insait long kantri i sot yet, Minista bilong Polis Robert Artiyafa i tokim palamen long dispela wik.

Mista Artiyafa i tok nau yet em kantri i gat tasol 5000 polismanmeri na dispela i no inap long salim ol go insait long strongim namba bilong polis fos insait long olgeta provins na autstesin bilong yumi.

Mista Artiyafa i mekim dispela toktok bihain long memba bilong Goilala Daniel Mona i askim sapos moa polisman ken go long ilektoret bilong em long Goilala bikos ol nogat polisman long hap. Ol wok long yusim tasol ol spesel o risev polisman na ol i nogat strong na pawa long holim na lukautim lo na oda hevi long hap.

Mista Mona i tok em isave lusim moa long K200,000 na K500,000 long traim kisim ol polisman bilong Mosbi go long Goilala we i lukautim balus fea, alawens na ol arapela samting. Em i tok dispela i no stret bikos Polis Dipatmen i gat baset bilong lukautim na salim ol polisman bilong em go aut long ol ples we bikpela hevi i save kamap long en.

Las wik tasol em ol ples lain i bin kilim



Memba bilong Goilala, Daniel Mona.

wanpela Katolik pater wantaim wokman bilong em long Goilala. Ol polis na gavman opisa go insait nau long traim holim pasim ol dispela lain husat i bin mekim dispela trabel.

Mista Mona i tok ol manmeri wok long dai long pait bikos nogat fultaim polisman wantaim sotgan long Goilala na dispela i no stret tru long wok bilong polis.

“Mi save olsem olgeta hap bilong Papua Niugini tu em hevi bilong lo na oda i bikpela tru tasol nogat inap polisman long karimaut wok bilong ol long daunim na stopim ol birua na trabel pasin olsem”, Mista Mona tok.

Polis Minista Mista Artiyafa i tok olsem namba bilong ol polismanmeri i daun yet na tu planti samting olsem ol kar, haus slip, gan, helikopta na ol sapot samting em i olpela pinis.

Narapela hevi tu em planti polisman em olpela pinis olsem na ol wok long kisim ol nupela na yangpela polis lain kam long trenning. Mak olsem 250 em olgeta yia ol kisim na inap long 2017 bai i gat inap polismanmeri long skelim go aut long olpela distrik insait long kantri, Minista Artiyafa i tok.

## Gavman bai givim aut pawa saplai bisnis

MEMBA bilong Usino Bundi Anthon Yagama i askim Gavman long hariap stretim hevi bilong pawa long Madang taun bikos dispela i wok long kamapim planti hevi long ol ol skul, gavman sevis na bisnis long hap klostu tripela wik nau.

Mista Yagama i tok sapos gavman i ken baim ol bikpela jenereta bilong Lae siti na Mosbi, orait em i mas baim jenereta bilong Madang tu bikos olgeta ol bikpela gavman sevis, maining, skul na ol bikpela bisnis i stap long hap.

Em laikim tu sapos gavman ken kamapim wanpela pawa projek ol i kolim Jeo Temol long Karkar Ailan long helpim long

kamapim moa pawa long Madang provins.

Minista bilong Pablik Entaprais Ben Micah i tok hevi bilong pawa long Madang taun i kamap bikos long wara i tait na brukim pawa lain long Usino Bundi eria.

Tasol em itok ol wokman bilong PNG Pawa i wok hat pinis long stretim dispela na pawa bai go bek long Madang taun long dispela wik.

Tasol Mista Micah i tokaut olsem gavman i gat bikpela tingting nau long givim pawa bisnis go long ol praivet kampani na bisnis long ranim long sapotim na strongim pawa saplai insait long kantri.

Ol bisnis o kampani

husat i ken ranim Jeo Temol o Haidro pawa ken kisim orait bilong gavman long kamapim moa pawa long ranim pawa saplai insait long ol provins na kantri, Mista Micah i tok.

Dispela em tingting bilong gavman long kamapim hariap tru bikos hevi bilong stretim pawa we PNG Pawa i go pas long en bai kisim longpela taim tru long stretim na yumi no nap wet longpela taim long stretim, Mista Micah i tok.

Em i tok Gavman i gat pinis ol ripot na pepa bilong Jeo Temol Lo long kamapim na Gavman i laik kamapim dispela lo hariap long daunim hevi bilong pawa saplai insait long kantri.

## Nogat rekot bilong mani bilong Is Sepik Kopretiv Sosaiti

MINISTA bilong Komes na Industri Richard Maru i no amamas tru long painimaut olsem i no gat rekot bilong moa long K5 milien bilong Kopret Sosaiti long Is Sepik provins.

Minista Maru i tokim palamen olsem nogat wanpela pepa o rekot i stap we opis bilong em ken lukim na klia long hamas mani stap na wanem kain wok i kamap pinis long kirapim na strongim kopretiv sosaiti long Is Sepik provins.

Em i no isi long painim wanem kain asua na kotim husat lain bikos i nogat rekot. Olgeta pepa i lus pinis, Minista i tok.

Minista Maru i mekim dispela tok long bekim askim bilong memba bilong Maprik John Simon long mani bilong Is Sepik kopretiv sosaiti stap we nau.

Mista Simon i tok tok em i harim sampela mani go long baim sea long bikpela hotel



MINISTA bilong Komes na Industri Richard Maru.

long 4 mail long Mosbi, stok eksens long Australia na arapela tasol nogat wanpela man i kisim sas yet.

Em i askim tu sapos ol mama long Maprik i ken kisim helpim o sampela win moni bilong ol long Maikro Fainens we ol i bin putim mani pinis.

“Taim mi go long ples, ol

mama i kam soim mi ol risit bilong mani ol peim go long Wimen In Bisnis tasol ol no kisim wanpela mani kam yet long Maikro Fainens o kisim helpim mani bilong kirapim ol liklik wok bisnis bilong ol yet.”

Minista Maru i tok em i bin askim Sentral Benk long noken oraitim Wimen In Bisnis long kisim mani bilong ol mama long kantri bikos ol i no wanpela Fainens Bisnis.

Tasol dispela wik em i kirap nogut olsem Sentral Benk i givim laisens pinis long Maikro Fainens long wok olsem benk.

Minista i tok em bai askim gut tru na painimaut gut tru wanem kain rot na sapos ol i bihainim stret lo bilong benk long kamap wantaim laisens olsem.



# Soso askim long 22 sia bilong ol meri

Stanley Nondol i raitim

**ISTEN Hailans Gavana Julie Soso i tokim palamen olsem O'Neill gavman i mas kisim kam bek bil bilong 22 risev sia bilong ol meri long palamen. Em i tok dispela bai givim sans long ol meri long autim hevi na wari bilong ol.**

Gavana Soso i tok Somare gavman i laik givim 22 sia long palamen long ol meri long makim wan wan provins na dispela bil klostu i karim kaikai tasol i bin abrus.

Em i tok nau i gat 3-pela meri tasol long palamen na 198 em ol

man. Dispela em liklik namba na ol meri i no gat sans long mekim disisen long bikpela level long kantri.

Gavana Soso i tok i luk olsem ol man memba bilong palamen i les long kamapim lo bilong 22 risev sia bilong ol meri.

Gavana Soso i tok nau i gat 3-pela meri tasol yumi no klia sapos planti meri bai win long 2017 ileksen. Em i tok sapos ol 3-pela meri i lus long 2017 ileksen bai no gat meri long palamen.

Soso i mekim dispela toktok long dibet bihain long Komyuniti Developmen Minista Loujaya Kouza i givim 2013 ripot bilong

dipatmen bilong em long palamen.

Planti memba bilong palamen i toktok na sapotim Minista Kouja long wok bilong em long dipatmen.

Ol memba i tok komyuniti divelopmen i lukautim wok bilong sios, yut, lotu na tu ol meri na ol NGO na em i bikpela wok tru.

Gavana Soso i tok ol meri i mekim bikpela wok long kantri na sapos gavman i les long kamapim lo bilong 22 risev sia bilong ol meri, em mas lukluk long sampela rot long ol meri bai mekim disisen bilong kantri long politiks.

# Basil askim long LNG mani

Stanley Nondol i raitim

DEPUTI oposisen lida Sam Basil i tok kantri bai salim namba wan ges i go aut long wol maket tasol em i askim hamas winmani bilong LNG bai kam insait na apim strong bilong Kina egensim mani bilong ol bikpela kantri. Mista Basil i askim Minista bilong Tresari Patrick Pruaitch olsem hevi bilong Kina i wok long pundaun yet na prais bilong ol samting i wok long go antap.

"Kantri bai salim namba wan ges bilong PNG LNG i go aut long wol maket. Hevi bilong Kina i pundaun yet na inap Minista bilong Tresari i tokim

kantri hamas winmani bilong LNG bai kam insait long strongim Kina"? Mista Basil i askim long palamen.

Mista Basil i askim Mista Pruaitch tu long tok klia hamas mani bilong LNG bai go bekim dinau bilong kantri long wan wan yia bikos gavman i kisim planti dinau mani long ausait.

Mista Pruaitch i tok em i no inap long tok klia long ol dispela bekim tasol em i tok kantri bai salim ges long dispela wik.

Wankain taim Dairekta bilong institut bilong Nesenele Afeas, Paul Barker i bin tok long olsem kantri bai no inap kisim inap mani olsem planti manmeri i wok long tingim na wet.

# Spika stopim Namah long toktok

Stanley Nondol i raitim

SPIKA bilong palamen Theo Zurenuoc i stopim Oposisen lida Belden Namah long autim ol toktok long K3 bilien UBS dinau bilong gavman long taim bilong autim toktok o dibet long palamen.

Mista Namah i laik tokim palamen long tingting bilong Oposisen long ol bikpela disisen bilong kantri i kamap aninit long O'Neill gavman.

Mista Namah i laik toktok long dispela K3 bilien UBS dinau mani Mista O'Neill i sainim taim em i kamap ekting tresera na ol arapela toktok olsem K71.8 milien i go long wanpela lo kampani na K50 milien i go long wanpela kampani bilong Israel.

Tasol Spika Zurenuoc i stopim Mista Namah na i tok hevi bilong K3 bilien UBS dinau i stap long han bilong Ombudsman Komisen na Mista Namah i no inap tokotk long palamen.

Bihain long palmen, Mista Namah i tokim ol nius manmeri olsem spika i no gat rait long stopim em long toktok long K3 bilien UBS dinau mani.

Em i tok Ombudsman Komisin i mekim wok painim olsem was man bilong gavman. Em i tok dispela em wok bilong Ombudsman tasol no gat wanpela lo o kot oda i stopim Oposisen o ol memba bilong palamen long toktok long flo bilong palamen.

Mista Namah i tok 111 memba bilong palamen i makim ol pipel na i gat rait long autim ol toktok long demokretik rot.

Em i tok i no gat kot oda o wanpela lo i stopim ol long autim long palamen.

# Graun bilong gavman em bilong gavman

Pearson Kolo i raitim

PRAIS bilong graun ol i baim bipo long indepens bai i no inap senis nau olsem na ol papagraun husat i salim graun long gavman o misin i no ken traim long kisim sampela moa mani.

Dispela toktok em Valua Jeneral bilong Lens Depatmen Michael Gabriel i tok i no longtaim go pinis taim em i tok prais bilong graun em ol papagraun i salim bipo long indepens bai i no inap senis nau olsem na ol papagraun i no mas traim long kisim sampela moa mani long gavman.

"Wanem prais ol gavman o misin o ol arapela lain i wanbel wantaim ol papagraun na salim em i bin velu bilong graun long dispela taim olsem na gavman bai i no inap givim sampela mani gen long ol papagraun nau," Mista Gabriel i tok.

Mista Gabriel husait i kisim wok olsem Velua Jeneral bilong Lens Dipatmen long mun i go pinis i tok ol papagraun i no gat rait long graun em ol i bin salim pinis bikos nau graun em i bilong gavman na graun bai i stap olsem stet len na gavman tasol i gat pawa long ol dispela graun.

"Wanem prais ol papagraun wantaim ol gavman i wanbel bipo long ol papagraun i salim graun bilong ol em prais bilong graun long dispela taim olsem na gavman bai i no inap baim moa mani gen we ol graun i nau stap olsem stet lan," Mista Gabriel i tok.

Em i mekim ol dispela toktok long Ista Wik i go pinis long moa long 1000 manmeri taim em i mekim pati bilong em long tok tenkyu long ol lain bilong em insait long ples Rambai long Westen Hailans. Em i kilim 27 pik na givim long ol manmeri.



## COMRADE TRUSTEE SERVICES LIMITED DFRBF PENSION STATUS UPDATE

The following pensioners are required to contact the Member Service Office to update their status. Please contact the Pension Team on telephone 320 3455/Toll Free 180 1007 or Fax us on 321 5840. You may also contact us through email: [benefits@ctsl.com.pg](mailto:benefits@ctsl.com.pg), website: [www.ctsl.com.pg](http://www.ctsl.com.pg) or simply call into the enquiries office at Defens Haus, Ground floor, Port Moresby.

NO	PENSIONERS	NO	PENSIONERS	NO	PENSIONERS
1	Patricia Talowani	29	Guri Otiso	57	Nancy Jimmy
2	Alois Toisak Tamean	30	Iautu Mamila Topopo	58	Narukiap Bossil
3	Ambrose Sinopa	31	Jacinta Ou'u	59	Nguaresat Tilingas
4	Awene Kopkop	32	James Gari	60	Nusabari Nobare Mangao
5	Bakume Birito	33	John Pokoi	61	Omas Akumi
6	Bangan Wenget	34	John Taule	62	Ori Oe Korina
7	Baro Sabo	35	John Tsioni	63	Pajen Salih
8	Baukukit Yake	36	Jonathan Mikina	64	Paul Kuniton
9	Ben Tsuia	37	Joseph Victor	65	Paul Mackley
10	Bill Essy	38	Kalai Gorei	66	Peter Grangary
11	Buliya Kalama	39	Kave Lahari	67	Peter Suanga
12	Cecilia Mamare	40	Kerapa Heni	68	Peter Waugla
13	Cubert Morebai	41	Kirung Tapkit	69	Prout Okaja
14	Darusilla Mou	42	Kiwa Japi Ampom	70	Relvi Toben Tmola
15	David Tomarum	43	Kunar Wena	71	Reuben Malalo Malaupu
16	Dorothy Kolly	44	Kuranu Tom Katu	72	Ritako Jefferson
17	Elizabeth Eva (Peter Nako)	45	Lambari Somai	73	Ruben Hakopes
18	Eyo Vagi Momona	46	Lave Kolo	74	Salom Sam Richard
19	Fifita Isikiei	47	Lina Guwa	75	Sebastine Pairop
20	Francisca Murakau	48	Mandan Tony	76	Semoso John Haggae
21	Gabe Uruei	49	Maniat Arur	77	Sonifalus Tomavoko
22	Gane Pokos	50	Maring Loamin Telek	78	Tambari Sare
23	Gebi Pide	51	Mary Kekeboge Chan	79	Tilu Sul
24	Gibson Soho Nako Haruwe	52	Mena Yuyagao	80	Timi Ravu Kapari
25	Grace Darling Aiava	53	Meran Topikit	81	Tovet William
26	Guba Iada	54	Merlyn Siune	82	Vele Anari
27	Gulang Sambu	55	Miagu Wim	83	Waras Jonathan
28	Gumio (John Kasul Maria)	56	Mosa Ray	84	Willie Maut

Authorized by

**RICHARD SINAMOI**  
Chief Executive Officer

# Ristoretiv Jastis helpim PNG Prisen Felosip

Frieda Sila Kana i raitim

**PRISEN Felosip PNG i lukim han bilong God long kirapim bek ol gutpela wok bilong stretim ol kalabus, wantaim K36,000 i kam long divisen bilong Ristoretiv Jastis bilong Dipatmen bilong Jastis long aste.**

Man i go pas long Ristoretiv Jastis brens, Dairekta Paul Wagun i tok, Prisen Felosip em i gutpela wok poroman bilong Lo na Jastis long stretim ol trabelman i kamap gutpela man, tasol longpela taim liklik dispela ogenaisesen i bungim hevi bilong mani na klostu em i go pinis olgeta.

Em i tok Ristoretiv Jastis na Kraim Pivensen brens bilong Dipatmen bilong Jastis na Atoni Jeneral i bin stat long yia 2012. Na em i wanpela visen bilong Seketeri bilong Dipatmen, Dokta Lawrence Kalinoe long helpim ol lain sivel so-saiti na ol gavman ejensi husat i save skruim wok bilong ristoretiv jastis i go het.

“Seketeri Kalinoe i luksave olsem



Seketeri bilong Dipatmen bilong Jastis na Atoni Jeneral, Lawrence Kalinoe wantaim Ekting Dairekta bilong Ristoretiv Jastis Paul Wagun i sanap long givim piksa sek i go long Mista Samuel Mulina, Siaman bilong PNG Prisen Felosip.

i mas gat luksave bilong ol lain husat i save kamapim wok bilong ristoretiv jastis na putim ol long wanpela dairektori we ol kot na jas na ol polis o CIS inap long singautim ol taim i gat wok bilong stretim ol kalabus o trabelman i kamap.

Olsem na long 2010 i go 2011 mipela i wokim wanpela sevei na long 2012 mipela i kamapim wanpela dairektori,” Mista Wagun i tok.

Nau olgeta kot haus long kantri i ken kisim tasol kopi bilong dairektori na painim husat i stap klostu

long ol em i save mekim wok bilong ristoretiv jastis na ol i ken singaut long ol.

PNG Prisen Felosip Program inc. em i wanpela bilong ol dispela gutpela feit bes ogenaisesen husat i save mekim wok bilong helpim ol

kalabus lain. Em i bin stat long 1979 olsem wanpela projek bilong Sir Mari Kapi.

Narapela man husat i bin gat bikpela bel long dispela ministri em let Sir Kapi Nato. Tupela man i bin karim dispela prisen felosip long mani na risos bilong tupela yet.

Eksektiv Dairekta bilong PNG Prisen Felosip ministri Moale Vagi i tok klostu tru ol i laik pasim ministri bikos no gat mani long mekim wok.

“Tasol mipela i pre planti na God i harim krai bilong mipela. Mi givim biknem na ona i go bek long God long dispela blesing nau mipela i kisim,” Mista Vagi i tok.

Wantaim dispela mani ol i kisim, PNG Prisen Felosip wantaim Ristoretiv Jastis brens i tokaut long tripela program bilong Prisen Felosip.

Ol dispela program em; Sikamotri ministri, drim meka program, na indastri program. Prisen Felosip PNG inc. bai wok aninit long dispela tripela ambrela tingting long mekim wok bilong ol.

## Kurumul Plantestin em kapital bilong Jiwaka

Pearson Kolo i raitim

OL toktok pait bilong wanem hap bai i kamap kapital o taun bilong Jiwaka provins i pinis nau bihain long wok i stat long Kurumul Plantestin we hetkota bilong provins bai kamap.

Ol wokman bilong wanpela Indian kampani, Essar i wokim pinin wanpela opis kompleks we ol wokman na meri long provins bai stap na wok long en.

Gavana bilong Jiwaka provins Dr William Tongamp husat i bin go lukluk raun long dispela hap i tok provinsal gavman i kisim taitel bilong dispela graun pinis long ol papagraun na kapital bilong Jiwaka bai stap long Kurumul.

Gavana Tongamp i tok developmen bilong hetkwata bilong Jiwaka bai i lukim tu develop-

men bilong Banz and Minj taun we tupela tu bai i kamap bikpela taun bilong provins.

“Plen bilong mipela long developmen provinsal hetkwata bilong mipela bai lukim ol senis i kamap long Banz na Minj taun wantaim,” Mista Tongamp i tok.

“Nau taim mi kam stap long Kurumul, ol kontena i karim ol matiral i go long Banz taun we nupela BSP benk haus bai ol i wokim long hap.”

Gavana Tongamp i tok ol kain kain toktok i wok long kamap long ol mun i go pinis olsem Kurumul i no gutpela hap tasol ol lain husat i wokim ol dispela toktok i no save olsem Kurumul em i stap namel long provins na hetkwata bai i kamap long hap.

“Jiwaka provinsal gavman nau i gat moa long 500 hekta graun

long Kurumul we mipela i stat long mekim wok bilong kirapim wanpela moden siti insait long Waghi Veli,” Mista Tongamp i tok.

Em i tok tu olsem Hailens Haiwe i ran namel long Kurumul na bai i mekim wok sevis deliveri na ol narapela samtang moa isi long kirapim siti bilong Jiwaka provins long hap.

Gavana i singaut i go long olgeta lida na saveman ns meri bilong Jiwaka long wok bung wantaim em long kirapim wok long Kurumul.

Long las wiken, siaman bilong Bopon Invesmen Roy Helmut husat i go pas long lukautim ol papagraun long Kurumul i tok klia olsem ol i givim taitel bilong Kurumul Plantestin i go pinis long Jiwaka Provinsal Gavman long dispela yia.

## Ol lokel musik lain bai laitim Lamana



Tati bai pilai gen long Lamana long neks wik

LAMANA em Pati Kapitel bilong Papua Niugini na Saut Pasifik. Lamana i bin karim planti biknem musik lain long ovasis i kam pilai. Na long dispela yia, ol bai karim sampela moa biknem musik lain i kam gen long stretim laik bilong ol manmeri bilong Papua Niugini.

Astingting bilong karim ol biknem musik lain long ovasis i kam long PNG em long putim

Papua Niugini long wol map.

Antap long dispela, long namba 23 de bilong dispela mun, ol lokal musik lain husat i bin winim ol awod long PNG Musik Awods bai laitim Lamana wantaim ol bikpela singsing bilong ol.

Ol dispela lokal musik lain em, Tati, Mereani Masani, Demas Saul, Daniel Bilip, Riki Kali na B-RAD na Baine wantaim Master-

piece Ben.

Lamana i laikim ol manmeri long sapatim ol dispela lokal talen musik lain bilong Papua Niugini, na kam lukim ol i singim ol bikpela singsing bilong ol we i save paia lait long ol redio stesin.

Long baim ol tiket kontektim Lamana, K75 long arena na K200 long Balkoni.

## Ol lida bilong Jiwaka Provins wanbel

Pearson Kolo i raitim

OLGETA lida bilong Jiwaka Provins i bung long Sande long Kurumul na i wanbel long wok bung wantaim Provinsal Gavman bilong ol na kirapim wok insait long provins.

Moa long 100 lida olsem olpela memba bilong nesenel palamen Michael Mas Karl, Dame Galme na ol sif na kaunsila bilong Anglimp Saut Waghi, Not Waghi na Jimi i tok ol bai wok bung wantaim

provinsal gavman bilong ol.

Michael Mas Karl i tok ol toktok nabaut olsem provins i no ran gut i kamap long ol manmeri husat i no gat bel bilong ol long Jiwaka provins na ol i toktok nating na i no luksave long ol gutpela wok i kamap long provins.

Mista Mas Karl i tok ol dispela kain toktok i gutpela bilong provins long stretim sampela samtang tasol ol lain husat i wok long mekim ol dispela toktok i mas luksave long ol

gutpela wok i wok long kamap insait long provins.

“Sapos ol dispela lain husat i wok long mekim ol koment i bilong Jiwaka Provins, orait ol i mas kam long provins na toktok wantaim provinsal gavman na tokim ol long wanen samtang i rong na gavman bai i ken stretim,” Mista Mas Karl i tok.

“Sapos ol i toktok nating stap em ol i mas stop na joinim Gavana Tongamp na bringim senis i kam in-

sait long nupela provins bilong mipela.”

Ol lida bilong Jiwaka olsem John Kundi, Chris Kaman, Kans Kenden, Paul Anjwil na Thomas Gal husat i stap long dispela bung i tok Jiwaka provins em i nupela provins na ol i gat planti wok long mekim olsem na ol i mas stat wok nau long kamap olsem ol narapela provins long kantri.

“Mipela ol lida insait long provins husat i bung hia i sapatim wok bi-

long yangpela gavana bilong mipela wantaim ol PEC memba bilong em long kirapim Provinsal Hetkwata na ol narapela developmen wok long provins,” ol lida i tok.

Ol i tok ol kain kain toktok we ol manmeri i wok long toktok na pulim taitim i go kam long provinsal hetkwata bai i stap long we em i no gutpela bikos gavana na lida bilong tude i mekim disisen pinis na ol manmeri nating i no gat pawa na i no mas mekim ol toktok nabaut.



# Sam Basil mekim pablik sevis patrol

**Deputi Oposisen lida na Memba bilong Bulolo, Sam Basil i makim rot i go nau lng Waria Veli we i no gat man o pablik sevan i save laik long go long bringim devel-opmen.**

Dispela ples em ol asples lain tasol i save go long dispel rot tasol memba Basil i no wari, long wanem em i gat strongpela bilip long bringim developmen i go long ol pipel bilong Bulolo Distrik. Waria Veli i stap namel long Bulolo na Huon Galp na Menyama distrik bi-long Huon Morobe na Goilala Distrik long Sentral Provins na Kerema long Galp na Sohe long Oro provins.

Em i go wantaim 30 pablik sevan em ol ensinia, na seveia, benk opisa, niu lain, medikal opisa, polis na ol narapela moa. Dispela pablik sevan patrol bai kamap insait long



Memba bilong Wau-Bulolo na Deputi Oposisen Lida, Sam Basil.

wanpela wik.

Ol patrol tim bai i go slip long Kasangare ples wod 9 na wok-about i go long Bapi wod 10, Omora wod 10, Garaina wod 11, na Garasa wod 12. Ol bai wokabout abrusim wod 14, 15 i go long Bia

Waria wod 17.

Long taim bilong dispela patrol, ol dokta bilong ai bai sekim ol ai na givim marasin na givim glas long ol husat i nidim na ol lain i nidim opeseren bai kisim riferel bilong narapela taim gen ol ai dokta bai i go na mekim opeseren insait long veli yet. Wanpela Helt Ekstensen Opisa i go wantaim tu long givim marasin, sut long ol lain i sik na husat i gat sampela hevi long bodi.

Ol opeseren bilong ai bai kamap bihain long Garaina, Wau, Bulolo, Mumeng, Watut na Buang LLG.

Long dispela wokabout rurel benk woklain bilong Benk Saut Pasifik, Leslie Kepas na Philemon Tukan i go wantiam long putim ol EFTOS masin bilong yusim wantaim sola bateri.

Dispela bai helpim ol pablik sevan long kesim pe sek bilong ol insait

long ol tred stua EFTPOS masin na long stopim stil pasin long rot taim ol pablik sevan olsem ol tisa i save wokabout longpela rot i go long Lae o Bulolo long kisim mani bilong ol.

Steven Clay bilong Telikom PNG bai putim EM TV wantaim DC pawa bilong bateri long bungim wantaim ol EFTPOS long ol stua long ol i ken lukim EMTV nius na ol narapela program na wokim benking bilong ol.

I gat ol polisman tu i stap insait long dispela patrol tim. Ol bai sekim ol sampela lain bilong brukim lo na kot i stap na bai ol i givim warent ov ares long kisim ol trabel man.

Ol trabel man bai ol i kisim ol na lokim ol long wanem polis post i stap klostu long ples bilong ol. Bi-hain bai ol i kisim ol long balus i go long Lae o Bulolo long kisim kot na sas bilong ol.

Mista Basil bai bungim ol pipel long ples bilong ol yet na harim wanem kain hevi ol i gat na wanem kain developmen ol i laikim em bai mekim long ol.

Em tu i laik soim ol wanem samting i stap long program plen bilong em we em i laikim ol bai luksave na givim tok orait bilong ol.

Taim ol i kam bek long dispela patrol, Mista Basil bai kamapim ol program long nid bilong ol ples na wanpela bikpela miting bilong 110 kaunsila bilong Bulolo distrik bai toktok long wanem samting ol bai mekim long statim ol projek wok bilong ol wod kaunsila na ol pipel.

Mista Basil na ol narapela opisa long dispela wokabout bai givim ripot bilong ol i go aut wantaim VSAT telepon o email long sosel media.

# Nupela bris long Ivule, Wes Nu Briten

**Becky Marum i raitim**

OL Pipel long Bialla nau i gat wanpela C200 Bailey Bris long kalapim Wara Ivule long i go long hapsait long Sentral Nakanai Rurel LLG.

Long 1985, ren na bikpela tait wara i bin rausim olpela Bailey bris i go pinis na ol pipel i save putim ol bikpela diwai bris long kalapim wara, olgeta yia ol i mas putim nupela diwai bikos tait wara i save karim i go.

Deputi Gavana Lawrence Mango i bin opim bris na ol memba bilong provinsal Eksekutiv Kaunsil (PEC) wantaim provinsal Edministreta, Williamson Hosea i bin stap long witesim.

Gavana Sasindran Muthuvel i bin stap long palamen miting na em i no bin stap long taim bilong opim bris long las wik. Tasol em i bin tok olsem dispela bris bai helpim ol trak i save karim ol welpam long kamapim bisnis long Kimbe na Bialla.

Gavana Muthuvel i tok tu olsem long dispela wik Fraide, Woks Seketeri bai i stap long provins long givim ol 12-pela hevi rot konstraksen ik-wipmen we JICA i bin donetim, i go long provinsal woks divisen.

Gavman bilong Japan i bin givim 48 masin long ol provins long mekim wok bilong ol bikpela rot, na long dispela Wes Nu Briten i bin laki long kisim 4-pela bilong ol dispela hevi ik-wipmen. Narapela 8-pela i bin go long Westen Hailans, Morobe Provins na Is Sepik Provins.

"Tenkyu long gavman bilong Japan long givim mipela 4-pela bilong dispela donesen trak long provins bilong mipela," Mista Muthuvel i tok.

Em i tok olsem ol dispela masin bai helpim provinsal woks divisen long wokim ol gutpela rot na ol bai statim wok klostu taim nau long Amio rot i go long Kandrian Distrik.

Em i tok, em i wok long wet nau long Minista na Seketeri bilong Woks long ol yet i go lukluk long sekim rot long Mai i go long Mosa rot bung na luksave long bagarap nau i stap long dispela rot. Na tu long ol i ken askim na save long Buluma Ko bris na Hoskins Koimumu Rot.

Dipatmen bilong Woks i wanbel tu long wokim 1.5 kilomita banis bilong solwara long Galilo (Hoskins) we i no gat rot bikos rot i bagarap olgeta. Nivani Limited kampani i bin wok wantaim Provinsal woks tim long wokim dispela Ivule Bris.



Ol memba bilong provinsal Eksekutiv Kaunsil bilong Wes Nu Briten i sanap kisim poto antap long nupela Ivule Bailey bris long Bialla. *Poto: Becky Marum*

## ENB Gavana toktok strong long ol asua bilong paia

PAIA em i wanpela samting we i save bagarapim laip bilong ol manmeri, na tu, ol wok bisnis, na sevis i go long ol pablik.

Long las wik long Palamen, Gavana bilong Is Nu Briten Provins, Eremam Tobaining, i askim Prais Minista, Peter O' Neill sapos i gat sampela plen i stap long daunim ol asua we paia i save kamapim.

Askim bilong Gavana Tobaining i bin sapos long Deputi Prais Minista, Leo Dion, tasol em i bin stap long wanpela konprens long ovasis na Gavana Tobaining i bin dairektim askim bilong em i go long Prais Minista.

Gavana Tobaining i gat bikpela wari long ol asua bilong paia, long wanem, long sampela yia i go pinis i kam inap long nau, paia i bagarapim planti ol gutpela propeti. Em i tok dispela i save bagarapim gro bilong ikonomi.

Long dispela yia, provins bilong em, Is Nu Briten Provins, i kisim bikpela bagarap long paia taim paia i daunim tupela bikpela propeti long Kokopo.

Ol dispela propeti em, Tropicana Supamakot, na Central Mart. Dispela tupela propeti i save givim sevis long ol pipel bilong Is Nu Briten, na tu, ol arapela provins long Niugini Ailans Rijon.

Gavana Tobaining i laikim gavman long strongim Paia Sevis Dipatmen bilong kantri. Em i bilip olsem sapos Paia Sevis Dipatmen i ran gut, ol i ken daunim ol asua bilong paia, na ol pipel bilong kantri bai no inap bungim taim nogut.

Long bekim askim bilong Gavana Tobaining, Prais Minista Peter O' Neill i tok gavman bilong em bai lukluk long dispela eria, na putim moa mani i go insait long strongim paia sevis.

# FARM TRACTORS

- Slashers
- Disc Ploughs
- Disc Harrows
- Post Hole Augers
- Trailers

120hp  
90hp  
70hp  
50hp  
40hp

PORT MORESBY: 323 2658 | Digicel: 7215 0333 / 7217 9815  
LAE: 472 6324 KOKOPO: 982 8748 | email: machinery@agmark.com.pg

**AGMARK MACHINERY**



# BPNG donetim K5,000 long PNG Kensa Faundesesen

Frieda Sila Kana i raitim

**BPNG bilong Papua Niugini o Sentral Benk i givim wanpela K5,000 sek long PNG Kensa Faundesesen long las wik Fonde insait long wanpela 'Biggest Morning Tea' Fanresing moning ti.**

Dispela em i namba tu 'Biggest Morning Tea' fanresing i kamap nau long helpim wok bilong PNG Kensa Faundesesen. BPNG i bin givim wankain mani mak tu long yia i go pinis long PNG Kensa Rilif Sosaiti. Tasol dispela yia i gat planti moa wokmeri bilong benk i kamap wantaim sampela meri bilong ol wokman tu.

Asisten Gavana Kopret, Elizabeth Genia i bin tok welkam na amamas long CEO bilong PNG Kensa Faundesesen, wantaim wanpela embeseda bilong Faundesesen, em meri bilong Praim Minista, Mis Linda Babao O'Neill, na wanpela bod memba na meri husat i winim pinis sik kensa, Caroline Henao i bin stap.

Deputi Gavana bilong Benk, Benny Popoitai i mekim toktok pas-taim long em i givim piksa bilong



Deputi Gavana bilong BPNG Benny Popoitai i givim piksa sek i go long CEO bilong PNG Kensa Faundesesen, Dadi Toka Junior las wik Fonde.

sek mani i go long CEO bilong PNG Kensa Faundesesen, Dadi Toka Jnr. Mista Popoitai i tok, BPNG i save sapatim Sir Buri Kidu Heart Faundesesen olgeta yia insait long PNG. Em i tok, planti wokmeri na wok-

man nau i bung long mekim luk-save olsem PNG Kensa Faundesesen em i wanpela memba bilong komyuniti we i wok long mekim wok bilong daunim ol bikpela sik i save kamap long stail bilong kaikai

na laip insait long sosaiti.

Bikpela toktok bilong Mista Popoitai em i tok, "rausim sampela gris long bodi na stap helti." Em i tok, yu mas sekim bodi bilong yu long luk-save wanem kain sik i stap long bodi bilong yu. Em yet i bin gat dispela ekspirians long taim em i go long Singapore long sekap tasol na em i kirap nogut long dokta i tok em i gat sampela blut i strong long bodi we ol i mas rausim.

Dadi Toka Jnr, CEO bilong PNG Kensa Faundesesen i tok tenkyu long bod memba, Caroline Henao na meri bilong Praim Minista i kamap long dispela moning ti. Em i tok,

pasin bilong holim 'biggest morning tea' em i wanpela stail bilong Australia ol i laik bihainim long painim mani bilong wok bilong PNG Kensa Faundesesen.

"Em i nupela pasin, tasol i wok long kamap bikpela hariap tru nau," Mista Toka Jnr i tok.

Em i tok, wok bilong PNG Kensa Faundesesen em bilong helpim Helt Dipatmen long wok bilong daunim sik kensa long kantri. insait long mun Me na Jun em bikpela tingting bilong PNG Kensa Faundesesen em long rausim sik kensa long maus. I gat sampela ripot i stap olsem, mas kensa em i namba tu sik i save kilim planti lain long PNG.

Mista Toka i tok insait long dispela mun, ol woklain bai sekim ol lain long sik maus kensa long Pot Mosbi na Alotau. Ol i makim Alotau bikos long strongpela pasin bilong ol lain long Milen Be long kaikai buai na tu long bikpela sik long maus kensa i save kamap long provins bilong ol.

Sekap em i fri na long Pot Mosbi em bai kamap long Water Front na Vision City. Bihain bai ol i putim long tok save edvetismen long dispela.

"Mi man nating tasol mi mekim dispela bikpela wok tru. Em i olsem mi wokabout i go antap long wanpela maunten em i sap moa," Mista Toka i tok.

## NCD Helt Sevis redi long famili plening

SEVIS bilong gavman long famili plening bai kamap gut nau long Westen Hailans na Nesenel Kapital Distrik, wantaim trening bilong sampela nes long mekim wok bilong famili plening long ol haus sik na klinik.

Marie Stopes Papua Niugini wantaim Riprodaktiv Helt Yunit bilong Nesenel Dipatmen bilong Helt (NDoH) i bin pinisim tupela wik trening bilong ol helt woka long Pot Mosbi las wik. Long NCD, ol nes na helt wok i bin kam long 6 Mail kKlinik, Pasifik Adventis Yunivesiti, St. Therese Klinik, Kaugere Klinik, Lawes Rot Klinik na Gerehu Haus Sik wantaim ol lain i kam long Dipatmen bilong Helt na NCD Helt.

Ol i kisim trening long we bilong helpim ol mama long yusim wanem kain famili plening rot em i stap long Papua Niugini long stopim ol mama long karim pikinini taim ol i no laikim na tu long givim spes long pikinini. Ol i lain long putim ol kain famili plening olsem nupela implant na intra-uterine Divais o iUD.

Trening i bin stat long Maun Hagen long Epril aninit long Nesenel Famili Plening Trening Program, na i pinis long

Pot Mosbi las wik wantaim trening bilong 15 lain bilong ol gavman helt klinik. Ol dispela lain i kisim trening bilong kisim setifiket olsem ol i ken mekim wok bilong famili plening aninit long NFPT na NDoH.

NFPT bai i gat program bilong sekim ol dispela lain i kisim setifiket na givim moa trening yet bihain long taim ol i stat mekim wok. MSPNG Autris tim bai raun long kantri na sekim na helpim ol.

Em i bikpela plen bilong Nesenel Helt long bringim famili plening i go long olgeta meri long kantri bilong sevim laip bilong moa mama long taim bilong karim pikinini.

Dokta Luty Amos, Teknikal Opisa bilong Matenel Helt na Speselis Medikal Opisa wantaim Dipatmen ov Helt i tok famili plening sevis insait long NCD i daun stret na i no gat planti kain roti stap long ol mama bai bihainim. Nau em i gat ol liklik tablet, kondom na Depo Provera sut marasin tasol i stap.

"Bihain long dispela trening NCD bai kisim moa famili plening, na mi bilip moa lain bai go long ol klinik long painim helpim long dispela," Dokta Amos i tok. Australia gavman i

helpim Nesenel Famili Plening Trening Program (NFPT) na ol i gat plen long go long ol narapela provins na ol i makim olsem long Jun bai gat trening bilong 188 nes na helt woka i save wok long ol klinik na haus sik inap long Jun 2015. Bihain long NCD Helt Sevis, Marie Stopes bai kisim trening i go long Morobe Provins long pinis bilong dispela mun.



Treina bilong Marie Stopes i soim wanpela Famili Plening Kit ol klinik nes bai holim na em i gat olgeta kainrot bilong famili plening i stap.

## Enga kisim Helt Atoriti

ENGA Provinsal Gavman nau i gat provinsal helt atoriti long menesim olgeta helt sevis insait long provins.

Minista bilong Helt na HIV/AIDS Michael Malabag i tokaut long dispela insait long wanpela bikpela selebresen seremoni long mun Epril. Mista Malabag i givim Ministeriel Oda na i tokaut olsem Enga i kamap namba 5 provins long kisim wanpela helt menesmen sistem tasol aninit long dispela provinsal helt atoriti.

Bikpela selebresen i bin kamap long makim dispela de. Long wankain taim ol i makim ol nupela memba bilong Helt Atoriti bod wantaim 8-pela memba. Nem bilong ol bot memba em; Aro Loai, Ekting Sif Eksektiv opisa, Saberth Yangis makim ol meri, Patrick Komba makim bisnis sekta, Pato Potane makim bisnis sekta na siaman, Dokta David Mills i makim ol sios, John Iso, deputi siaman i makim ol



Dokta Amean em i eks-ofisio memba bilong EPHA. Em i toktok long taim bilong tokaut long PHA long mun Epril insait long Wabag taun.

provinsal edministresen, Don Anjo makim lokal komyuniti na Francis Popsy makim Helt Dipatmen. Ol 8-pela bod memba i bin wokim tok promis long ai bilong Enga Sif Mejistret, Jeffery Wia, bihain long Minista Malabag i tokaut long Enga provinsal Helt Atoriti i kamap.

Eksektiv Menesa bilong Stratejik Polisi bilong Dipatmen bilong Helt, Ken Wai, i wokim indaksen bilong ol nupela

memba bilong Enga provinsal Helt Atoriti bot long provinsal haus tumbuna bilong Enga long Wabag taun bihain long ol i makim ol.

Enga Gavana Peter Ipatas i tokim ol pipel bilong em olsem, helt sevis em i namba wan prairiti eria wankain olsem edukesen na lo oda.

Aninit long helt sekta, Mista Ipatas i tok gavman bilong em bai givim sapat long nupela

provinsal Helt Atoriti wantaim bod bilong em na ol narapela sektorel developmen insait long provins.

Em i bin toktok long sapatim ol wok i kamap long, Sopas Skul ov Nesing, Sopas Haus sik rihabilitesen, na nupela provinsal haus sik konstraksen long Pimas.

Em i tok helt na edukesen i mas go het na no gat wanpela samting i stopim ol. Lo na oda na mensemen insait long Enga i mas kamap strong long mekim gut dispela sevis wok gut.

Enga Provinsal Edministreta Dokta Samson Amean em i eks-ofisio memba bilong 9 memba Enga provinsal Helt Atoriti bod.

Dokta Amean, em i wanpela longpela taim edministreta long Enga. Em i tok, em i gat bikpela amamas long helpim nupela EHA bod long mekim na helt sevis bai kamap gut long provins.



# Hepi mama de long Taurama Veli A.I.M Sios

**AGAPE Intedinominesenl  
Ministri Felosip sios i mekim  
luksave long Mama De long  
Sande 11 Me.**

I gat 5-pela papa i bungim han na baim wanpela blek fores kek wantaim tupela katen dring na ol mama i amamas tasol long kaikai kek wantaim ol papa na pikinini.

Long sampela narapela yia i go, i save gat planti lain, tasol long dispela Sande em i no gat planti mama na tu no gat planti lain i kamap long lotu. Man i go pas long mekim luksave long ol mama, em Tiri Kana i autim stori long wanem rot em i bin kisim dispela 'hepi mama de' kek.

Mista Kana i tok, dispela em i wanpela mirakel kek. Bilong wanem, planti man i no putim mani hariap na sot long putim oda long kek hariap. Olsem na long Sande moning 11 Me, Pastor Daniel wantaim Tiri Kana i go long Supa Value Stua long 2 Mail long go baim kek. Tasol taim Mista Kana i go kamap, em i kirap nogut long lukim longpela lain man i sanap long kisim kek bilong ol.

Em i go askim tasol long kaunta long baim wanpela kek long K80 na ol i tokim em, "sori tru papa. Ol kek ya i pinis. Ol lain i baim pinis oda olsem na ol i kam sanap wet long kisim."

Man, em i wari tru na em i go sindaun i stap long wanpela



Ol mama bilong Agape Intedinominesenl Ministri Sios long Taurama Veli long Sande 11 Me i amamas long kek na dring ol liklik lain papa i baim long soim amamas long ol.

tebol. Em i laik sekim pepa i gat rait bilong griting long en, insait long baibel bilong em na em i opim.

Taim em i opim baibel, ai bilong em i go pas long tok i stap long 1 Jon 4:4. Dispela tok em i tok olsem, "man insait long mi em i bikpela moa long man husat i stap bosim dispela wol." Na em i tingting, ah dispela tok em i rong toktok ya. Mi bai mekim wanem long dispela tok. Tasol Holi Spirit i helpim tingting bilong em na em i tingting gen olsem. "Nogat em i orait ya! Jisas insait long mi em i bikpela moa na i win. Olsem na mi mas bilip long kisim wanpela kek tude. Na em i tok tenkyu Bikman

na em i sindaun yet i stap.

I no longpela taim, wanpela yangpela meri i kam na askim em, "Papa yu olsem wanem na sindaun i stap?" Na Tiri Kana i tok, "sori tru pikinini, mi laik baim wanpela kek bilong ol mama long lotu bilong mi na ol i wetim mi stap. Mi askim long baim long K80 tasol ol i tokim mi olsem i no gat kek moa."

Dispela meri i tok, sore papa ol kek em nogat tru tasol i gat wanpela kek ol i oda long Trinde yet i kam na ol i no baim yet na i stap.

Sapos yu gat K101 bai mi ken givim long yu. Man Mista Kana i amamas tru. Em i holim K110 i stap na em inap stret long baim

dispela liklik kek. Em i autim dispela K101.00 na givim long dispela meri. Hariap tasol ol i go raitim liklik griting antap long dispela blek fores kek na ol i kam givim em.

Em i amamas na i kam ausait long stua na i bungim Pastor Daniel na tupela i go bek long sios bilong ol long Taurama Veli Rot na mekim ol mama i amamas wantaim dispela kek na ol dring.

Planti taim, yumi man i save laik lukdaun long wanem samt-ing God inap long mekim. Tasol sapos yumi holim bilip strong na wet, God em i save mekim samt-ing. Em i save kamap long taim stret!

## Famili amamasim de bilong ol mama

Gilford Kove i raitim

DE bilong ol mama i save kamap long namba tu wik bilong mun Me.

Em i wanpela de we famili i save bung na tok tenkyu long ol mama long bikpela wok ol i save mekim olsem ol mama long laip bilong ol wan wan famili bilong ol.

Sampela i bin statim ol selebren long Sarere, na planti moa yet long Sande.

Long tok tenkyu long mama bilong ol, wanpela famili long Mosbi i bin kisim mama bilong ol long selebretim Madas de long Gran Pales Restron long Sarere nait we i bin gat spesel dina bilong mama bilong ol.

Papa bilong famili i makim maus bilong olgeta pikinini na i bin tok tenkyu long wok we ol mama i save mekim.

Em i tok planti man i save tok, ol man i save mekim gut wok na kamap ol Bikman bikos long strongpela meri husat i sanap long baksait bilong ol.

Tasol nogat, meri em i patna bilong man, na i no bilong putim meri long baksait. Tupela i wok wantaim na stap wantaim.

Em i givim salens long ol pikinini na husat i klostu marit long tingim hatwok bilong ol mama long taim ol i stap pikinini inap long taim ol i bikpela. Na ol i mas luksave long dispela.

Em i tok, piksa tru bilong ol mama bai kamap ples klia taim bikpela i singautim ol na mama i no moa sindaun lo sia bilong em.

Bihain wanpela pikinini i ridim dispela poem.

## A Poem to all the PNG Mothers

**There are times when  
only a mother's love  
Can understand our  
tears, soothe our disap-  
pointments**

**And calm all our fears.  
There are times when  
only a mother's love can  
share the joys we feel,  
When something we've  
dreamed about suddenly  
becomes real.**

**There are times when  
only a mother's faith can  
help us on life's road  
And inspire in us the  
confidence we need from  
day to day.**

**For a mother's heart and  
a mother's faith,  
And a mother's steadfast  
love were fashioned by  
the angels,  
And sent from up above.**



Mis Michael, wanpela bikpela pes long Wabag taun infomol maket i save salim ol bilum bilong em long K300. Em i tok ol kastoma bilong em i save kam long ol bisnis kampani na ol turis.



# Ol Katolik na Angliken yut gat gutpela wok bung

Gilford Kove i raitim

**WOKBUNG** namel long Katolik na Angliken Sios long PNG i go het na long dispela yia, em i gro moa yet namel long ol yut bilong tupela sios.

Long mun Mas, Sen Joseph Katolik Sios long Is Boroko i singautim, Sen Martin Angliken Sios long bung wantaim long redim program bilong Gut Fraide wokabaut long rot bilong kruse na lotu.

Olsem na ol yut bilong Sen Joseph na Sen Martin i bin bung wantaim na stat long lainim ol singsing na musik stat long Mas 22, 2014.

Dispela em i wanpela bikpela samting we tupela sios i mekim.

Na tu, em i namba wan taim tru we ol i bung long mekim dispela bikpela lotu. Insait long dispela grup em ol yangpela man na meri tasol i go pas.

Ol Angliken yut bilong Sen Martin

i lainim ol singsing bilong Katolik, na ol Sen Joseph yut i lainim ol singsing long Sen Martin yut.

Tasol ol dispela singsing i no bilong ol, em Bikpela Jisas i givim long kain kain tokples we tupela grup i amamas long singsing wantaim.

Orait, long Sande Epril 27, Sen Joseph Katolik Sios i bin wokim wanpela bung kaikai long tok tenkyu long ol yut bilong Sen Joseph na Sen Martin Angliken

Sios long gutpela wok bung ol i bin gat long wokabaut na pre wantaim long Gut Fraide.

Lida bilong ol Sen Joseph yut i bin autim bikpela tok amamas long ol yangpela na ol mama papa husat i bin sapatim dispela wokabaut bilong rot bilong kruse long Gut Fraide long tingim pen we Jisas i bin bungim na dai long sevim ol manmeri bilong graun.

Moa yet, em i tok amamas tru long Angliken yut long bung wan-

taim ol Katolik long mekim dispela sevis we i lukim bikpela namba tru i bin bihinim lotu.

Man i makim ol Sen Martin Angliken yut, Dixon Mageu i givim bikpela tok tenkyu long pater bilong Sen Josepn na ol lida bilong sios wantaim ol yut bilong em.

Em i tok ol i lainim planti samting long ol Sen Joseph yut. Em i tok strong olsem pasin bilong wok bung wantaim long bringim Gutnius bilong Jisas Krai i mas stap yet

## Pop Francis bai raun long Holi Len neks wik

I kam long Zenit Nius Ejensi, Vatiken

HETMAN bilong Katolik Sios long wol, Pop Francis, bai mekim tripela de lukluk raun i go long Holi Len long neks wik.

Dispela wokabaut bai kisim Pop Francis i go long Jordan, Palestain na ol ples we Jisas i bin stap na mekim ol wok bilong em moa long 2,000 krismas i go pinis.

Man i makim Vatiken, Pater Federico Lombardi, i tok wokabaut bilong Pop Francis em long makim 50 anivesari long namba wan bung namel long Pop Paul 6 na Patriak Athenagoras long Jerusalem.

Pater Lombardi i tok tru, hevi i stap long Foren Ministri bilong Israel, em i bilip ol bai stretim ol dispela na plen long wokabaut bilong Pop Francis i ken go gut.

Wokabaut plen bilong Santu Papa i go long Holilen bai stat long neks Sarere, Me 24 taim em i kamap long Queen Alia Intanesenel Epot long Amman, Jordan. Long hap, ol bai kisim em i go long Al-Husseini Royal Pales we king na kwin bilong Jordan bai bungim na welkamim em.

Bihain long welkam seremoni na toktok wantaim king na kwin, Pop Francis bai wokim misa lotu long Intanesenel Stedium na raun i go long long Bethany, ples we Jisas i bin baptais long en. Long pinisim namba wan de wokabaut, Pop Francis bai lukim ol refuji na ol disebel yut long wanpela Latin sios klostu long Bethany.

Long Sande Me 25, helikopta bai kisim Pop Francis i go bungim Presiden Mahmoud Abbas na toktok ol atoriti long Palestain. Bihain long dispela, em bai wokim misa



Pop Francis

lotu long Manger Skwea i stap klostu long sios bilong Nativity long Bethlehem. Bipo em i lusim dispela hap, Pop Francis bai lukim groto bilong Nativity na wanpela refuji kem.

Taim em i kamap long Jerusalem, Pop Francis bai bungim Ekumenikel Patriak bilong Konstantinople na stap insait long ol ekumenikel bung bilong selebretim namba 50 anivesari long bung i bin kamap 50 krismas i go pinis namel long Pop Paul 6 na Patriak Athenagoras long Jerusalem.

Pastaim em i lusim Jerusalem long go bek long Rom long Me 26, Pop Francis bai raun lukim Wailing Wall na Yad Vashem.

Pop Francis bai pinisim wokabaut bilong em long Holi Len wantaim wanpela misa lotu long Kenacle, ples we Jisas i bin holim "Last Supper" o las kaikai pastaim long em i karim pen na hevi, na dai.

## Naru helpim Martin Luther Semineri

BUSTIN ANZU i raitim

GAVANA bilong Morobe Kelly Naru i givim sampela mani long Martin Luther Semineri long Lae long strongim wok bilong skul.

Gavana Naru i bin promisim Semineri olsem em bai givim K50,000 long las yia. Na long dispela yia, em i givim dispela mani long Semineri Prinsipel Reveren Dr Michael Wan Rupulga.

Gavana Naru i tok olsem long wok bilong givim mani o tait (tithe) i go bek long lukim blesing bilong Bikpela em i bikpela samting we ol i save lus tingting long mekim.

Gavana Naru i tok husat ol i lotu na save long tok tru bilong Baibel i mas save long dispela long ol i mas laikim ol lain bilong ol tu.

Em i tok tu olsem long pasin bilong givim, em Bikpela bai blesim ol na ol bai lukim hanmak bilong em. Ol i mas mekim bisnis bilong God olsem bisnis bilong ol na God bai mekim bisnis bilong ol olsem bisnis bilong God. Taim Bikpela i blesim ol, em bai blesim ol planti tru.

Gavana Naru i tok olsem long Baibel, "Ol lain husat i save givim i save kisim blesing, i no ol lain husat i save kisim."

Olsem na olgeta Kristen, i no long wanpela sios tasol, mas givim tait bilong ol wantaim wanpela tingting tasol na ol bai kisim planti blesing tru. Ol yet bai lukim wanem samting God bai mekim long ol.

Em i tok Luteran Sios i mekim wok misin samting olsem 130 yia i go pinis i go long Hailans na Momase, Papua na Niugin Ailan.

Gavana i tok husat i bin kisim gutnius long wok bilong ol Luteran pasto nau i lukim hanmak bilong em na kisim planti blesing bilong em.

Tasol Morobe, we asples bilong Luteran Sios i no senis long wanem, planti ol lidaman i no bihinim lekmak bilong ol tumbuna bilong ol samting olsem 100 yia i go pinis.



Gavana Kelly Naru i sekan wantaim sampela kongregesen memba bilong Gingala peris long Finsafen long las wiken.

"Taim gavman bilong mi kisim pawa long 2012, mipela i luksave long wanem samting i no stap long ol dispela taim i kam," Kasiga Kelly Naru i tok.

"Mipela i lukim olsem mipela i lus tingting long God. Olsem na mipela long Tutumang i tok olsem long 2013 na i go, mipela bai

givim wan ten bilong intenel reve-niu bilong mipela olsem tait i go long wok bilong God," Naru i tok.

"Mipela i statim wanpela program we mipela i kolim Kristen Sios Patnasip Program na dispela em mipela bai sapatim olgeta wok bilong lotu.

## Kate distrik evanjelis i no kisim luksave

By Paulus Tali

WOK misin namel long 1950 i go 1960, ol Luteran evanjelis na ol misineri i save wokabaut i go antap long Hailans long autim Gutnius bilong Jisas Krai. Planti bilong ol i bin dai, na sampela bilong ol i stap yet nau.

Wanpela bilong ol dispela wokman bilong Kate insait long Finsafen i bin go mekim wok misin

insait long So-Nomane long Simbu provins. Nem bilong dispela wokman em Musereke Kobo Dongdong bilong Ulap seket.

Taim em i stap yangpela yet, samting olsem 25 yia, em i bin go antap wantaim ol Jerman misineri long yia 1959. Em i bin mekim wok insait long Sol-Nomane inap long 15 yia pinis na sios i bin salim em i go long Amea insait long boda mak bilong Kara-

mui, Nomane na Gumine.

Insait long Amea em i bin wok inap long 5pela yia. Long dispela taim em i gat 4pela pikinini. Long hap em i bin mekim olgeta wok bilong sios na mekim planti lain manmeri pikinini i kamap Kristen.

Taim em i bin mekim wok long hap bilong Sol-Nomane na Amea em i save kisim bel gut mani mak olsem K30 tasol. Dispela kain mani i no inap long helpim em yet

wantaim meri pikinini bilong em. Tasol em i no wari long dispela. Em i givim olgeta laip bilong en long mekim wok bilong Bikpela long autim Gutnius long ol haiden manmeri na mekim ol i kamap pikinin bilong God.

Em i bin mekim wok insait long Simbu longpela taim tru. Na long long 2003, em i lusim wok na kam bek na nau em i stap long Hanta kompaun klostu long Luteran het

opis long Ampo. Musereke Dongdong i mekim wok sios inap long 55 yia olgeta.

Long het opis ol i bin tok long givim em sampela belgut mani tasol dispela i no kamap olsem. nau na em i pilim hevi na stap. I no gat luksave i bin kam long sios i kam inap nau. Bipo wokman i save kisim belgut olsem sampela mani na ol klos samting. Long dispela taim, ol wokman i givim laip tru bilong ol na mekim





Ol bikpela trak bilong Gold Ridge main long Solomon Ailan.



MADAS DE: OL wokmeri bilong Strongim Pipel Strongim Nesen program i selebretim Madas De o De bilong ol Mama long las wik Fraide. Ol bin gat liklik kaikai, ol sof dring na givim presen long wanpela arapela. Poto i soim ol wokmeri ya i holim kap i gat dring long en long statim selebresen bilong ol.

*Poto: Lydia Kaia, SPSN*



MONG: Dispela em ol mong o kanu ol i wokim long Aroma Kos, Sentral Provins na ol i karim i kam long Gerehu, NCD long vanisim na penim ol long redi long bikpela kalsa festival bilong ol Melanisen kantri. Ol i wokim ol mong long karim ol bikman bilong Melanesien Spiahet Grup (MSG) long opim Melanisen Arts Festival bai kamap long Mosbi stat long Jun 28, 2014.



REDI: Minista bilong Turisim Ats na Kalsa, Boka Kondra na Milen Be Gavana, Titus Philemon i katim riben long soim olsem Milen Be Provins i stap redi long lukautim festival long dispela yia. *Ol Poto: NCCC*

## PNG polis i holim sikspela man i kilim pater

Polis i holim kalabusim pinis sikspela man i kilim wanpela pater na katekis bilong Katolik sios long Goilala Sentral provins.

Deputi Polis Komisina Operesen Simon Kauba i tok dai bilong pater i bin pasin bilong bekim na kilim narapela man namel long ol lain wanpisin long Kunimaipa veli long Goilala distrik.

Dispela pater i dai em, Fr Garry Maria Inau wanpela man bilong Goilala yet na em i bin kamap pater long mun Ogas 2013.

Pasin bilong bekim dinau i save kamap planti taim long planti hap bilong PNG.

Deputi Polis Komisina Operesen Simon Kauba i tok ol i salim planti moa polis i go long Goilala long mekim wok painimaut long dispela trabel.

## Vanuatu i no laikim asosiesen

Vanuatu Nesanel Kaunsil bilong ol Sios i tok em i no ekspektim asosiesen bilong ol homoseksual na lesbian ol i kirapim long kantri.

Ol sios long Vanuatu i egensim asosiesen bilong ol gay na lesbian pipel long kantri. Ripot I kam long ABC i tok siaman bilong Vanuatu Kaunsil ov Sios, Bisop James Ligo tok Nesanel Konstitusen o mama lo bilong Vanuatu i beis long astingting bilong Kristen na Melanesian veliu.

Toktok bilong Bishop Ligo i kamap bihain long nupela asosiesen ol i kirapim na kolim Asosiesen bilong lesbian, gay, baiseksual na transjenda (LGBT).

Presiden bilong dispela asosiesen, Gilio Baxter i bin askim long ol i holim wanpela miting long wik i go pinis long kamap wantaim plen bilong ol olsem ol pipel bilong Vanuatu i ken ekspektim ol.

Bisop Ligo i bin tokim Hilaire Bule long Port Vila olsem, VCC i ekseptim ol olsem ol manmeri, tasol bai I no save ekspektim ol homoseksual na lesbian, long wanem ol bai kamapim tingting nogut na brukim ol komyuniti na famili long Vanuatu.

## Kauba tok PNG polis i no stap insait long Manus trabel

Polis long Papua Niugini i tokaut strong olsem ol

i no bin stap insait long ol trabel i bin kamap long ditensen senta long Manus long mun Februeri.

Deputi Komisina bilong Polis Simon Kauba i tokaut strong olsem ol polis bilong PNG i no bin stap insait long ol trabel i bin kamap bihain long ol pait em ol i sutim tok long ol asailam sika long statim.

Ol i bin sutim tok tu long ol lokal pipel na polis long stap insait long ol dispela trabel we wanpela asailam sika i bin dai.

I gat faipela wok painimaut i wok long go het bihain long dispela trabel na birua long senta. Wanpela bilong ol dispela wok painimaut em ol polis long PNG i wok long mekim.

Ol i tok wok painimaut bilong ol i bin go gut tru na klostu nau bai ol i holim kalabusim ol pipel husat i bin kamapim trabel na kamapim indai bilong dispela asailam sika.

Deputi Komisina Kauba i tok em i no wanbel wantaim dispela toktok bilong wanepela man long Four Corners program bilong ABC.

Na human raitis loya bipo na nau Gavana bilong NCD, Powes Parkop i tok, hevi bilong ol asailam sika i mas stap long han bilong Australia na i no long ol pipel bilong PNG.

## SI gavman i laik maining kampani i go bek

Wanpela komiti bilong gavman bilong Solomon Ailan i laik St Barbara maining kampani bilong Australia i go bek long Solomon Ailan.

Spesel Seketeri bilong Priam Minista, Dr. Philip Tagini i tok dispela i wanpela long ol tingting ol i bin putim go long Praim Minista Gordon Darcy Lilo.

Dr. Tagini i tok Praim Minista em i no bekim toktok yet long ol rekomendesen bilong dispela komiti.

Long mun Epril long taim bilong tait wara long Solomon Ailan, dispela St .Barbara maining kampani we i papa long dispela Gold Ridge maining kampani long Sentral Guadalcanal, i stopim olgeta wok na ol i go bek long Australia.

Praim Minista Lilo i bin kros long dispela na i tokim ol lain long Imigresen long no ken larim ol woka bilong Australia long dispela main long go bek long Solomon Ailan.

Dispela i mekim Deputi Premia bilong Guadalcanal Provins na wanpela lenona bilong Gold Ridge, Walton Naezon i no amamas long gavman na em i tok long kotim gavman.





# KOMENTRI

# I mas gat gutpela luksave long wok bilong ol nes

Ol haus sik long kantri i wok long kisim taim nau bikos i no gat inap nes long lukautim ol sikmanmeri. Populesen bilong yumi i wok long gro tasol namba bilong ol nes i no gro hariap tumas olsem na dispela hevi i kamap.

Ol liklik haus sik ating i no pilim tumas dispela hevi tasol long ol bikpela siti long kantri, dispela hevi i kamap bikpela tru nau. Wanpela gutpela eksampel em Pot Mosbi Jeneral Haus sik.

Las wik long taim ol nes i selebretim Wol Nes De i bin gat planti toktok i kamap long wok bilong ol long ol haus sik. Ol gutpela stori na sampela stori i nogutpela tumas. Bikpela wari bilong ol nau em dispela hevi bilong ol haus sik i sot long ol nes.

Bipo long PNG i bin kisim independens, i bin gat inap skul bilong ol yangpela i lainim wok bilong nes. I bin gat wanpela skul bilong nes long wan wan provins.

Sampela i bilong gavman na sampela em ol sios yet i kirapim bikos ol i luksave long bikpela nid bilong ol nes long haus sik na helt senta long lukautim ol sikmanmeri na ol mama i karim bebi.

Tasol insait long las 40 yia nau, planti bilong ol dispela skul i pas na i no gat gutpela plen na wok i bin kamap long givim trening long ol nes bilong ol yia i kam bihain. Tude kantri i pilim pen bilong dispela asua bilong ol plena bilong gavman. Na ol



sikmanmeri na ol mama i kisim taim bikos i no gat inap wokmanmeri long lukautim ol.

Ol bikpela yunivesiti i luksave long ol skul bilong nes na ol i kisim ol i kam aninit long lukaut bilong ol. Na ol i apgredim trening i go long level bilong yunivesiti na ol

nes i ken kisim digri long taim ol i greduet, ol i no kisim setifiket o diploma tasol olsem bipo.

Yumi amamas na tenk yu long ol dispela yuniveisiti long bikpela luksave ol i givim long ol nes. Yumi save olsem long taim sikman i kamap long haus sik o helt

senta, ol nes i save lukim ol pastaim na bihain bai ol i salim sikman i go lukim dokta.

Na long ol hap we i no gat dokta, ol nes tasol i save mekim olgeta wok bilong lukautim laip bilong ol sikman o mama i karim bebi na i gat hevi i kamap.

Olsem na ating yumi olgeta i mas bung wantaim na askim gavman long luksave long bikpela wok ol nes i mekim long sevim laip bilong ol manmeri na ol pikinini long kantri bilong yumi tude. Planti bilong ol i mekim bikpela wok nating na i no gat pe o ol i kisim liklik pe tasol long planti yia ol i givim dispela sevis i go long ol pipel. I gat planti bilong ol nes i kisim taim long han bilong ol trabelman long taim ol i wok long nait na i laik go bek long haus.

I gat planti nes i wok long haus sik o helt senta o viles etpos we i no gat inap marasin o ol arapela samting bilong lukautim ol sikman. Ol i yusim save bilong ol yet long helpim ol sikman long taim bilong wok. Na i gat planti ol arapela stori i stap long ol hevi ol nes i save bungim long taim ol i mekim wok bilong ol.

Nau em i taim bilong glasim wanem kain ol haus sik na helt senta na etpos i stap long ol wan wan provins na skelim tu sapos i gat inap nes long wok long ol dispela hap. Nau em i taim bilong skelim wanen kain trening i stap long ol skul bilong ol nes.

I gat ol sotpela trening bilong kisim setifiket, ol diploma trening na ol digri trening long yunivesiti. Sampela provins i gat spesel trening bilong ol komyuniti nes bilong ples husat i gat wok long lukautim helt bilong komyuniti. Ol kain

wok olsem ol marasin meri husat i kisim besik trening bilong helpim sikman o helpim ol mama i laik karim bebi.

Long ol bikpela siti we i gat ol klinik, i mas gat inap nes long lukautim sikman. Kain ples olsem Mosbi siti i bikpela tru na i gat ol klinik i stap long ol bikpela sabeb tasol i no gat inap nes.

Nau ol dispela klinik i wok long pilim presa bilong wok bikos Pot Mosbi Jeneral Hospital bai i no inap lukim ol sikman husat igat liklik sik.

POM Jeneral haus sik i tok ol dispela sikman meri na pikinini i mas go long ol dispela eben klinik bikos bikpela haus sik bai i no inap givim praimer heli kea moa long ol sikman. Dispela bikpela wok ol klinik i mas mekim tude bai inap kamap gut sapos i gat inap gutpela nes i stap long mekim wok.

Laip bilong manmeri em i bikpela samting na i mas gat luksave long dispela. Ating wan wan memba bilong ol ilektoret insait long siti i gat inap mani long skelim i go long helpim wok bilong ol helt senta o klinik long ilektoret bilong ol.

Nesanel gavman i mekim wok bilong lukautim bikpela haus sik olsem Pot Mosbi Jeneral Hospital. Orait ol wan wan memba tu i mas givim skel bilong ol i go long strongim ol eben klinik o ol helt senta long ilektoret.

Dispela em i wanpela rot bilong kamapim gut sevis insait long ol haus sik bilong yumi.

## Ol yangpela lukim piksa nogut long mobail fon

Gutpela long ol memba bilong yumi long palamen i toktok long kamapim lo bilong stopim ol piksa nogut we i save kamap insait long internet sevis long ol mobail fon.

Planti mobail fon ol salim long stua i gat dispela internet sevis na yu ken opim internet sevis na ritim ol ovasis nius, lukim ol ovasis spot, mekim ol skul stadi na planti gutpela bisnis na wok long en. Tasol taim yu presim sampela piksa nabaut nau em ol piksa na muvi nogut bai kamap.

Dispela em bikpela wari ol memba bilong palamen i toktok long en bikos ol yangpela i wok long go insait long dispela sevis na lukim ol piksa nogut we sampela em polis i holim pinis na skul tu i holim sampela sumatin pinis long dispela samting.

Tingim tasol sapos no gat lo o tambu long dispela sevis em bai planti yangpela bilong yumi bai bagarap bihain bikos het bilong ol bai longlong tru long ol tingting nogut na pasin nogut na komyuniti bai



bagarap olgeta long kain kaintra bel bilong ol yangpela.

Paisn pamuk bai truru kamap bikpela tru na planti pait na trabel bai bruk nabaut long olgeta hap bikos ol yangpela tude em ol bai kamap het longlong long bihain taim. Bikos ol lukim kain kain piksa nogut bilong ol ovasis waitman long dispela mobail fon sevis na gavman i no gat lo long tambuim na kontrolim.

Gutpela long memba bilong Mosbi Not Is Labi Amiau i kamapim dispela toktok long palamen we Minista bilong Infomesen na Komyunikesen Jimmy Miringtoro i tokaut long gavman bai kamapim lo long banisim dispela mobail fon sevis.

Mobail fon em i gutpela

samting bikos em i helpim yumi gut tru long toktok go kam wantaim famili, wok, bisnis, mekim planti gutpela samting i kamap.

Tasol pasin na eksen bilong yumi tasol long go het na lukluk moa long ol samting nogut insait long dispela sevis em bikpela asua na trabel.

Ating ol mobail fon kampani ken sapotim gavman taim lo i kamap bai yumi ken kamapim gutpela sosaiti long Papua Niugini long bihain taim.

Mobeta ol mas apim sas bilong internet sevis go antap moa. Sapos yu laikim internet sevis, yu mas go baim fi bilong em yet na rejistaim nem na wok bilong yu.

Mobail fon kampani mas putim wanpela kain ret lait sapos husat mobail fon go insait long internet sevis bilong piksa nogut, orait namba bilong fon ya mas kamap hariap long ret lait we polis ken lukim o mobail fon ya mas dai olgeta (blekaut).

Olgeta internet sevis mas gat pas wod namba bilong em bikos taim mobail fon i lus, no

gat arapela lain inap opim.

I gat planti arapela teknikal rot na tingting stap tasol em samting bilong olsave lain bilong lo, ensinia bilong mobail fon masin, gavman na ol husat i save gut long kontrol na bisnis bilong dispela kain sevis.

Ol mas bung wantaim na kamapim gutpela stia tingting bai gavman ken kamapim lo bilong banisim dispela samting i stap longwe bikos em samting nogut tru we inap kamapim bikpela sik nogut insait long kantri bilong yumi long tude na bihain taim.

Singaut i go tu long ol lain olsem bisnis na skul we i save yusim internet sevis long kisim klia tingting tu long dispela hevi we inap long bagarapim ol yangpela bilong yumi na kantri bilong yumi na sapotim lo long kamap.

Sapot na tingting bilong ol tu em bikpela samting bikos ol save yusim internet sevis planti taim long wok na bisnis bilong ol olgeta taim na ol gat save na ekperians long gutpela na nogut bilong dispela sevis.

## WANTOK

Published Weekly, Thursday, for  
Word Publishing Company, Ltd.  
P.O. Box 1982, Boroko, NCD  
Papua New Guinea  
**Telephone: (675) 325 2500**  
**Fax: (675) 325 2579**  
**Email: editorial@wantok.com.pg**  
**Websait: www.wantokniuspepa.com**  
**Pe bilong wanpela yia, 52 niuspepa**

<b>Ples;</b>	<b>Air:</b>
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

**General Manager**  
Elizabeth Konga

Acting Editor  
Veronica Hatutasi

Published at  
Able Building  
Complex,  
Sec 58 Lot 02,  
Waigani Drive.

Word Publishing Company Limited is owned by the four major churches of Papua New Guinea - Catholic 65%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.



# Pastoral Letter of the Catholic Bishops Conference Papua New Guinea and Solomon Islands To Priests, Religious and the Laity

## Theme: Evangelization In and Through the Family

"The joy of the Gospel fills the hearts and lives of all who encounter Jesus" (Evangelii Gaudium, no.1). With these few simple words Pope Francis has ignited a flame that is spreading throughout the world. It is our prayer that Catholic families in Papua New Guinea and Solomon Islands might be filled with the joy of the Gospel and an ardent desire to share that joy with other families. In this way more and more people will become alive in Christ, disciples of Jesus eager to participate in a new evangelization, which will bring the Good News to everyone in the community.

A Christian home should be a place of joy, love, peace, and mutual support. It is not right that anyone in the family should feel abandoned, sad or lonely and lose hope. The house where the family lives deserves to be called a "home" only when happiness is in the air that all in the family breathe and where everyone experiences the joy of living together in harmony.

We encourage our families to search for the joy that comes from meeting Christ in the Gospel. It is there they will find true happiness. With Pope Francis, we urge families to rediscover the Gospel. "Radiant with the glory of the cross, (it) constantly invites us to rejoice. 'Rejoice!' is the angel's greeting to Mary (Lk 1: 28). Mary's visit to Elizabeth makes John leap for joy in his mother's womb (cf. Lk 1:41). In her song of praise, Mary proclaims, 'My Spirit rejoices in God my Saviour' (Lk 1:47). When Jesus begins his ministry, John cries out, 'For this reason my joy has been fulfilled' (Jn 3:29). And Jesus himself 'rejoiced in the Holy Spirit' (Lk 10:21) (Evangelii Gaudium, no. 5) But Pope Francis also expresses a sad reality when he says, "There are Christians whose lives seem like Lent without Easter" (Evangelii Gaudium, no. 6). Fathers and mothers, read the Good News with your children and other family members in the home, pray about it and make it part of daily family life. If you do this, joy and peace will surely increase in your family.

After the General Assembly of the Catholic Church in 2013, the Bishops chose a theme for pastoral activity in Papua New Guinea and Solomon Islands for 2014. It is this: new evangelization in and through the family. Imagine this scene. A little boy, a little girl, out of breath, filled with excitement, bursts through the door into the family home to announce some great happiness just experienced. The family, delighted by the unbounded joy of the child's sharing, laugh and clap their hands. "Unless you become like little children..." The joy of the Gospel, when it fills the family home and brings

peace and happiness in good times and bad times, must not remain hidden but must be shared with others. For those who become true disciples of Jesus, it is a great blessing to feel the confidence and freedom to be able to do this.

### Building Healthy Families

Today, many of our families are struggling. There are such great challenges to face, so many problems to overcome in order to build healthy families.

We are grateful for the many Catholic families who believe in Gospel values, follow them in family life, teach them to their children and set an example that other families can see and imitate. Many dioceses encourage the formation of "core group" married couples in the parishes, couples who work with the diocesan family life office and parish priests to help struggling husbands and wives find happiness and stability in their married life. We think this is a very important initiative and we commend those generous couples who work so hard to make their marriage and family life a picture of what God intends and blesses abundantly. Their happiness, when shared with others, will bear much fruit and evangelization in and through the family will become more and more a reality in their Christian community.

In a world where today there are so many distractions, especially for children and young people, it is time to get back to the basics that build unity and a bond of love in marriage and family life. It is so very important that young couples receive good advice from their elders and clear instruction from the teachers of the faith in the parish as they prepare to get married. It is a sign of our tragic failure to pass the faith to the next generation in and through the family when so many couples see no reason to make a real commitment to each other through the Sacrament of Marriage. We would like to see a change in this way of thinking. We call on couples, happily married, to encourage those who are hesitant to marry in church to reconsider their situation, by sharing with them the blessings they have received from the sacrament.

### Family and Prayer

The family that prays together stays together. This old saying should be framed and hung in the family room of every home. We recommend daily family prayer and regular attendance at Sunday Mass or Sande Lotu as a family, and also Eucharistic adoration. Scripture reading, the Rosary, the Divine Mercy chaplet, meal prayers, morning and night prayers, devotions to Mary or

a favourite saint of the family and other prayers, when said together by all in the family have a powerful effect on the family. Prayer fosters love and forgiveness in the family. It brings unity that binds the family together when times are difficult.

Recognizing that loving God and loving our neighbour should begin within the family, we realize that turning away from God and sinning against our neighbour can also have their origin within the walls of the family home. When there is little respect and love between family members this attitude can easily be carried by them into the community. Regular use of the Sacrament of Penance is the remedy for this. The father and mother should set the example for the others. In families where parents take seriously their God-given responsibility to nurture and support, teach and guide, protect and defend their children and other family members, their duty as Catholic lay people to evangelise in and through the family can be clearly understood and carried out.

### Dangers Facing the Family

There is a great danger, a great evil, looming over society in Papua New Guinea and Solomon Islands, and that is the increasing loss of respect for one another and for human life. This manifests itself through the many forms of violence we see in the community these days: murder, abortion, rape, tribal war, domestic violence, child abuse and others. It is what Saint Pope John Paul II labelled as "culture of death". The great evil shows its face in the cults that promote devil worship, sorcery and witchcraft, in false accusations, torture and killings of innocent people. It is evident in corruption that benefits a few and impoverishes others, and in the wanton destruction of the environment. It is enslaving alcohol and drug addiction and pornography. It is dehumanising in the promotion of various forms of artificial contraception, said to promote the dignity of women, but in fact having the opposite effect.

It will take a powerful and well disciplined army, a spiritual army, to combat this great evil. True believers and disciples of Jesus from all the Christian churches, along with other people of faith, form this army. Within the Christian communities that form the Catholic Church our spiritual groups of the laity, family people, must be in the front lines of the battle, the Legion of Mary, the Catholic Charismatic Renewal, Catholic Youth, Catholic Women Associations, Divine Mercy Prayer Groups, Antioch Youth, Catholic Men's groups, Couples for Christ and others. And from these lay groups more vocations to the priest-

hood and religious life must come. These dedicated disciples of Jesus serve the Church by building the Kingdom of God and promoting the New Covenant, which Jesus proclaimed and established through his death and resurrection, a reality we celebrate each time we gather for the Eucharist.

### Harmful Cultural Practices

There are in PNG and Solomon Islands harmful cultural practices, which are not in accordance with the teaching of Jesus Christ. As a result they are detrimental to Christian marriage and family life. We feel compelled to speak out about some of these in this pastoral letter. The first is polygamy. Even though the Good News of Jesus Christ has reached the ears of most people of our Christian countries and touched deeply the hearts of many, still the practice of polygamy continues. This traditional custom violates the meaning of Christian marriage, "the two become one" in an unbreakable bond of love. It demeans the dignity and worth of women who are seen as mere possessions of rich and powerful males. Christian marriage builds on a foundation of mutual love and respect between a man and a woman. "That is why a man leaves his father and mother and is united with his wife, and they become one" (Gen 2:24). Jesus himself quotes this passage when teaching about marriage (Mt 19:5 and Mk 10:7-8), as does St. Paul when writing to the Ephesians (Eph 5:31) and the Corinthians (1 Cor 6:16).

At a time when society is focusing more and more on child abuse, a second cultural tendency has increasingly come under the spotlight. This is the custom of "sharing" children within the line or extended family. In some cases children are given away or even sold to people outside the family. No, it is not okay to do this. Casual child exchange violates the unique relationship of parents with their children. Parents have a sacred obligation to love, nurture and raise their own children, care for and educate them as the special gift God has given to them, the children born to them, their own flesh and blood. Of course there are legitimate cases where it is necessary for children to be cared for by others who are not the biological parents. In these instances it is extremely important that the adopted child is received into the family with the same love and care as the other children.

Last year the Bishops wrote a pastoral letter about the appropriate care of children. Since then many dioceses have set up diocesan child protection offices and have begun

giving awareness about child abuse, about appropriate ways to form and discipline children and how to teach the little ones good Christian values, which will guide them in life. Praise God that many parents and other adults have received this information with joy and enthusiasm. Some questionable customary ways of teaching and disciplining children have come under serious scrutiny and parents are accepting Christian ways of raising their children that are more fruitful, bringing about a greater love, unity and harmony in the family.

### New Evangelization through Families

Will we see a new and fruitful evangelization in and through the family in this our generation? Surely God wills it, but whether or not a real renewal of faith takes place in our families and communities depends on us too. As we reflect on these things, let us consider the Holy Family of Nazareth - Joseph, Mary and Jesus. Our Lord and Saviour grew up in a devout Jewish family and clan. His upbringing prepared him to amaze and delight the wise teachers in the Temple with his thoughtful questions and his profound knowledge of the Law and the Prophets, when he was only twelve years old. His family formation gave him the confidence to face Satan and his temptations in the desert. It imparted in him the courage to proclaim the kingdom and to challenge evil. It gave him the will to offer himself on the cross in obedience to the Father for the salvation of the world. Jesus is the ultimate model for evangelization in and through the family, an example we now seek to imitate and to carry out in whatever little and humble ways we can in our time and place.

In October 2014 the Holy Father and Bishops from throughout the world, having consulted widely with Catholic families, will meet for a Synod, which will focus attention on the sanctity of the Christian family and the other related issues. Let us prepare for that event as living witnesses to Christ through the Christian joy of our families.

We end this pastoral letter to the clergy, religious, and especially the laity, who make up the largest number of the membership of the Church, with words spoken by the priest to his congregation at the end of Mass. Brothers and Sisters: "Go forth and announce the Gospel of the Lord."

**Bishop Arnold Orowae  
President of the CBC-PNG/SI**

**May 8, 2014**



TORO



BIABIA




KANAGE



KROSWOD

- |                         |                           |                      |
|-------------------------|---------------------------|----------------------|
| <b>Akros</b>            | lan                       | 6 Ples bilong dring  |
| 1 Kes krop              | 24 Ryan Pini em wan-      | 7 Rausim             |
| 6 PMV                   | pela                      | 8 Pasim              |
| 9 Rebel lain bilong Wes | 28 Makau                  | 11 Ailan long Manus  |
| Papua                   | 30 Nogat                  | 16 Olpela MP bilong  |
| 10 Long olgeta hap      | 32 Tupela                 | Morobe               |
| 12 Pilai laki           | 33 Yaweh                  | 17 Mak bilong kompas |
| 13 I no hatwok          | 34 Wankain olsem 19       | 21 Skul              |
| 14 Ol man long tokples  | 25 Ting olsem             | 22 Moning taim       |
| Kuanua                  |                           | 24 Pilai             |
| 15 Enimal               | <b>Daun</b>               | 25 Nem bilong man    |
| 16 Yunaitet Nesen       | 1 Tromoi lek              | 26 Yau               |
| 18 Solwara              | 2 Par                     | 27 Memba bilong Rigo |
| 19 Yu yet!              | 3 Sios long Papua         | 29 Sempian boksa     |
| 20 De i go pinis        | 4 Karakum                 | 31 Lo na _____       |
| 23 Haiskul long Nu Aik- | 5 Slekim long laitim paia | 33 Gavana Jeneral    |



© ABS, 2014

SUDOKU

7	6	1	2	9	3	8	4	5
3	2	5	6	8	4	9	1	7
9	8	4	1	7	5	3	2	6
8	1	3	9	6	7	2	5	4
2	9	6	4	5	8	1	7	3
5	4	7	3	1	2	6	9	8
4	3	8	5	2	9	7	6	1
1	5	2	7	3	6	4	8	9
6	7	9	8	4	1	5	3	2

Ansa bilong las wik Sudoku # 44

	5	1			6			7
		6		2			1	3
7			1	5				2
	7					2	4	5
			4	3	2			
1	2	4						8
	8			4	9			2
6	9			7		8		
4			8			7	5	

Ansa bilong Sudoku # 45 neks isu

W	E	L	P	A	M		B	A	S
O	P	M			N	A	B	A	U
K	A	S			I	S	I	T	O
A					S	I	P	S	I
B		U	N		S	I	M	I	
A	S	T	E				A	M	
U	T	U		S	W	I	M	A	
T	A	L	A	P	I	A		N	O
	D	A	B	O	L		G	O	D
M	I		A	T	I	N	G		A

Ansa bilong las wik kroswod, isu # 2070

EMTV Television Guide

FONDE ME 15, 2014

- 4:30 AM G AUSTRALIAN NETWORK
- 5:00 AM G JOYCE MEYER 7078-4
- 5:30 AM G EMTV NEWS REPLAY
- 6:30 AM G TODAY
- 09:00 AM G Classroom Broadcast
- 3:30 PM KIDS KONA
- 5:30 PM G TRAPPED CASTAWAY
- 6:00 PM G EMTV NATIONAL NEWS
- 7:00 PM G RAIT MUSIK EP#211
- 8:00 PM G RESOURCE PNG EP#17
- 9:00 PM G SOKA XTRA EP#17
- 9:10 PM G HOT SPOT EP#17
- 9:30 PM PG ELITE MUSIC ZONE
- 10:00 PM PG NRL FOOTY SHOW - EP#11
- 11:30 PM G NEWS REPLAY
- .....followed by the Australia Network

FRAIDE ME 16, 2014

- 4:00 AM G AUSTRALIAN NETWORK
- 5:00 AM G JOYCE MEYER 7078-5
- 5:30 AM G EMTV NEWS REPLAY
- 6:30 AM G TODAY
- 9:00am Classroom Broadcast
- 3:30 PM KIDS KONA
- 5:30 PM G SKIPPY - Cober
- 5:55 PM G CRIME STOPPERS
- 6:00 PM G EMTV NATIONAL NEWS
- 7:00 PM G IN MORESBY TONIGHT -
- 7:30 PM G 2014 NRL - ROUND 10
- 9:30 PM G 2014 NRL - ROUND 10
- 11:30 PM G EMTV NEWS REPLAY
- .....followed by the Australia Network

SARARE ME 17, 2014

- 4:30 AM G AUSTRALIAN NETWORK
- 6:00 AM G EMTV NEWS REPLAY
- 7:00 AM G IN HIS STEPS EP#19
- 7:30 AM G TBA
- 8:00 AM G YOGA CITY - Re-run Ep#10
- 8:30 AM G AMAZING SPIES- EP#119
- 9:00 AM G ESCAPE FROM SCORPION IS
- 9:30 AM G ULTIMATE GUINNESS WORLD
- 10:00 AM G TRAPPED CASTAWAY EP#25/26
- 10:30 AM G SKIPPY Cober
- 11:00 AM G AUSTRALIAN NETWORK
- 3:30 PM G 2014 NRL - ROUND 10
- 5:30 PM G OLSEM WANEM EP#18
- 6:00 PM G EMTV NATIONAL NEWS
- 6:30 PM G 2014 NRL - ROUND 10
- 8:30 PM G 2014 NRL - ROUND 10

10:30 PM G EMTV NEWS REPLAY

- 3:30 AM G AUSTRALIAN NETWORK
- 6:30 AM G EMTV NEWS REPLAY
- 7:00 AM G HILLSONG
- 7:30 AM G AUSTRALIAN NETWORK
- 8:00 AM G YOGA CITY EP#11/13
- Re-run
- 8:30 AM G BUSINESS PNG YR.3 EP#17
- 9:00 AM G TOTALLY SPIES EP#10
- RE-RUN
- 9:30 AM G OLSEM WANEM EP#18- RPT
- 10:00 AM G RESOURCE PNG EP#18 - Rpt
- 11:00 AM G LOVE BITES WITH JOEY 13/26
- 11:30 AM G ITAL IAN FOOD EP#13/13 (F)
- 12:00 PM G AUSTRALIAN NETWORK
- 2:00 PM G 2014 NRL - ROUND 9

4:00 PM G 2014 NRL - ROUND 9

- 6:00 PM G EMTV NATIONAL NEWS
- 6:30 PM G TOK PIKSA - EP#2014/21
- 7:00 PM G QRL INTRUST CUP - R/11
- NORTH DEVILS vs. SP HUNTERS - BISHOP PARK...
- 9:00 PM G IPL 2014 - MATCH #42
- CHENNAI SUPER KINGS vs. ROYAL CHALLENGERS BANGALORE
- 01:00 AM G HILLSONG - Rpt
- 01:30 AM G NATIONAL EMTV NEWS REPLAY

Ol Progam na Kilok i ken tenis oltaim...





**Teksim Wari, Tingting, Painim Pren, Wantok o Pas bilong yu i kam nau..**  
**Digicel namba: 7235 6149**

# Raun wantaim Kanage olgeta wik

## Kastom

WANPELA moning meri bilong Kanage laik go long maket long Dagua na em tokim Kanage, 'plis naispla man bilong mi nogat makmak bilong yu. Mi bai go long maket long salim buai bilong mi na bai yu was long liklik Vero na stap long haus. Olgeta samting mi wasim na hangamapim long lain i stap. Sapos ren i pundaun yu rausim ol klos i stap long lain. Gel tekov pinis long maket na bikpela ren i pundaun. Kanage rausim ol klos bilong em wantaim pikinini na i no rausim pens bilong misis. Apinun nau na meri bilong Kanage kam bek na lukim olsem bikpela ren stret long ples, em kam daun long PMV na rot stret long haus na lukim olsem Kanage i no rausim pens bilong em long lain. Em i belhat na bikmaus antap long Kanage, 'mekim wanem na yu no rausim pens bilong mi long lain?' na Kanage tokim em 'plis em kastom ya. Hau bai mi holim pens bilong yu?' Meri bilong em kirap na tokim em olsem, "san na yu tok kastom, nait husat dispela masalai pukpuk save kaikaim long tit na pulim rausim?"

**Kevin Penias**  
 E S P



## Yupela i no mangi moa

KANAGE i gat tupela pikinini man. Tupela wantaim i marit na stap wantaim papa na mama bilong tupela. Wanpela taim, Kanage i spak nogut tru na kamap long haus. Em singautim tupela pikinini man bilong em na meri bilong tupela i kam bung. Em nau Kanage i tokim ol olsem: 'Sori tupela pikinini bilong mi, mi laik toksave long yupela olsem em i no gutpela long yumi olgeta i stap long wanpela haus tasol. Yu tupela marit pinis na yu tupela mas wokim haus bilong yupela na stap long em nau. Mi wantaim mama bilong yupela i les pinis long harim kain kain nois bilong guria yupela save wokim long nait. Em samting bilong sem yah. Long wankain taim, em i no gutpela long yupela harim ol kain kain nois mi wantaim lapun bilong mi wokim. Yupela i no manki moa. Yupela i save olsem taim bikpela guria i kamap, haus i

save mekim nois ya. olsem em i moa gutpela long yu tupela i mas wokim haus bilong yupela yet'. Tupela pikinini man bilong Kanage em sem long toktok bilong papa bilong ol na kisim ol samting bilong ol na go stap wantaim ol tambu bilong ol.

**Andrew Luh Dhai**  
 Angoram

## 'About three weeks ago!'

Lapun Kanage em bilong Salamaua long-Morobe Provins. Wanpela moning em i go limlimbur long Voco Poin nambis long Lae. Em lukim wanpela waitman wet i stap long kisim bot i go long Salamaua. Waitman ya i no save long hamas aua bai bot kisim long go kamap long Salamaua, olsem na em askim Kanage, "Excuse me, how long does it take to travel from Voco Point to Salamaua?" Lapun Kanage bekim, "About three weeks ago!" Waitman ya laik lap tasol em strongim bel na askim em gen, "Sir, I am not asking about the days, but the time?" Em nau Kanage tok, "About one long wan!"

**Voco Poin**  
 Lae

**Dia Wantok Niuspepa**, mangi Moko miksi bilong Langs Meto. Mi save laik tru long ritim Wantok Nius. Mi wanpela nupela ilektet wod kaunsel long Kapao LLGC Aseki Men.

**Dia Wantok Nius**, nem bilong mi Linda Siau Hikor. Mi bilong Wes Kerema (Ihu) na mi marit long Simbu - Kerowagi. Mi lus kontek wantaim ol lain bilong mi long Mosbi na Kerema. Plis ringim mi long dispela namba 7208 9077 na mi ken stap wantaim yupela.

**Tenkyu, Linda -**

**Dia Wantok Niuspepa**, mi wanpela man bipo wok olsem kiap o patrol opisa, i gat save long wok bilong gavman na pablik edministresen. Interes lain yu ken ringim mi long namba 7330 5164 o 7612 2898. Tenk yu, Wantok.

**Dia Wantok Nius**, mi laik soim bel hevi na wari bilong mi long Madang Pronvinsal Gavman wantaim Open memba bilong Raikos. Olsem wanem na ol no gat luk-save long mipela. Tenk yu!

**Dia Wantok Nius, Wantok Niuspepa** i olsem gutpela sevis long yumi ol lain i no save long tok Inglis. Em tasol na husat i laik sapot yu welkam.

**Dia Wantok Niuspepa**, mipela papa mama bilong Begesin long Madang provins i no amamas long wanem Brahman sekenderi skul i no save kisim stret ol pikinini bilong Usino Bundi na Gama i go long Braaman. Em i save kisim ol Katolik pikinini bilong arapela distrik tu i save i go skul long Brahman sekenderi. Dispela pasin ol i stret, mipela i askim gavman long kirapim wanpela haikul long Begesin na dispela i ken helpim olgeta pikinini bilong Usino Bundi na Gama stret. Mipela i askim Upper Ramu distrik DA wantaim edministresen tim bilong em long lukluk long dispela wari bilong mipela. Tenk yu!

**Dia Wantok Nius**, mi laik soim bel hevi na wari bilong mi long Madang Pronvinsal Gavman wantaim Open memba bilong Raikos. Olsem wanem na ol no gat luk-save long mipela. Tenk yu!

**Dia Wantok Nius**, mi salim bel hevi bilong mi go long ol memba olsem gavana Powes Parkop tok long buai ban long NCD long TV. Mi lukim ol memba na ol man wan wok long kaikai na toktok long TV ya ol waitman tu was long Tv na lukim kantri stap. Man mi lukim long TV ol memba ol i laik toktok long ol pipel maus bilong ol i ret tru. Powes i no stopim ol. Yupela giaman long palamen i stap. Em tasol, tenk yu!

**Ol skwat! Teksim ol gutpela Kanage tok pilai i kam long: Txt: 72356149**

# Ol poroman i tok pilai tumas long mi bikos mi patpela tumas

## Dia Laipain,

Mi traim planti rot long traim lus weit o lusim skin bikos mi patpela tasol em no wok. Mi wokim planti eksasais, kisim marasin long kemis, yusim ol kanaka marasin, no kaikaim ol gris kaikai, wok nait, smuk planti na daunim mak bilong wara mi save dring long en.

Ol poroman sumatin i tok pilai tumas long mi na mi pilim sori. I gat narapela rot o ol narapela marasin i ken helpim mi long lusim skin na stap bun?

## Desperate to Loose Weight

### Dia Pren

Mipela i luksave olsem yu no amamas na yu no pilim gut, moa yet, taim ol narapela man meri i tok pilai long yu olsem yu patpela. Yu mas save pinis olsem sampela lain i save hariap long kamap patpela na sampela em bai nogat, maski ol i kisim planti kaikai. i luk olsem yu stap long nambawan grup na i min olsem yu mas mekim samting long lusim skin, o yu no ken putim moa skin.

Yu tokim mipela long planti ol samting yu save wokim long lusim skin. Dispela em ol gutpela tingting, tasol i gat sampela samting mipela i no wanbel wantaim.

Pastaim, yu tok yu stopim yu yet long dringim planti wara. Mipela i luksave olsem dispela i no gutpela samting long yu mekim long en. Yu no nap go patpela taim yu dringim planti wara. Bodi bilong



yu i save yusim planti wara bikos em i nidim em na dispela em i no yusim em save rausim olsem pispis. Ol dokta i tok planti manmeri i no wok long dringim inap wara insait long wanwan de. Wanpela man i sapos long dringim 8-pela glas wara long wanpela de.

Long keis bilong yu, i gutpela long yu i dringim moa wara bikos dispela bai helpim yu long klinim bodi na ol pipia samting yu no nidim long en. Olsem i gutpela yu bihainim edvais bilong dokta na dringim 8-pela kap wara olgeta de.

Narapeal samting yu tok yu mekim em yu smok planti i stap. Sapos yu save smokim moa long 20 sigaret long wanpela de, yu gat bikpela sans long kisim lang kensa. Tasol yu ken kisim tu sapos yu no smokim planti sigaret. Mipela i bilip olsem yu bai lusim smok olgeta.

Yu eksasais planti na dispela em i gutpela sapos yu wokim rait eksasais. Mipela i askim yu long go long wanpela ples bilong eksasais na toktok wantaim bos long dispela ples long wanem kain eksasais i gutpela long yu.

Yu tok yu save kisim ol tablet marasin, tasol yu no tok wanem kain stret. Yu

askim mipela tu long tokim yu long wanem kain marasin yu ken kisim, tasol mipela i no ol rait lain long tokim yu. Yu mas go lukim dokta bikos em bai skelim na glasim yu gut na givim yu ol rait edvais long mekim wanem samting, na long kisim ol rait marasin. Em bai wokim ol tes long lukim as long yu go patpela na rot we yu ken bihainim ol program long lusim skin.

Pren, i luk olsem yu traim planti samting long traim lusim skin, tasol bodi bilong yu i no senis yet. Sapos yu wok long mekim eksasais na kaikaim ol rait kaikai, noken wari long ol toktok ol narapela manmeri i wokim. Yu traim hat long mekim stretpela samting long lusim skin. Ating Bikman i mekim yu olsem o, sapos yu man bilong laikim stret kaikai, tasol go het long ol program na ol samting yu wokim long lusim skin.

## Pren bilong yu

**Sapos yu gat wari, rait i kam long Lifeline, P O Box 6047, Boroko, NCD. Telipon: 3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.**

**Laipain**



# Fama long Bulolo kisim sapot

**OL pis na meme fama long Bulolo distrik long Morobe provins i kisim sapot long memba bilong ol, Sam Basil wantaim mani mak moa long K154,000.**

Mista Basil i givim K154,489.00 long Erap Eksperimen Stesin long Dipatmen bilong Egrikalsa na Laipstok (DAL) bihain long em i go lukluk raun long DAL opis na wokman meri long Markham Veli long las wiken.

Mista Basil i givim dispela mani long DAL- Erap olsem Fud na Krop Edvaisa long go het wantaim ol wok trening long Bulolo distrik Erap Enimal Tethering Program.

Dispela program i go insait long namab 5 yia taim ol i statim long 2009.

Aninit long dispela program, 36 moa meme fama long Bulolo distrik, 6-pela long wan wan LLG bai kisim trening long tripela wik. Taim ol i pinis trening bai kam bek wantaim 393 meme long bai ol i lukautim.

Dispela pemen bilong memba tu bai helpim ol pis fama. Bai ol 10,00 talapia bai ol pipel long Bulolo i kisim.

Ol pato fama tu i kisim bebi pato pinis aninit long dispela program.

Mista Basil i tok Isten Hailans

i go pas long Egrikalsa long kantri bilong wanem ol DAL wokman long Hailans i wok strong na helpim ol pipel gut.

Mista Basil i tok Nesenel gavman i no save helpim ol Isten Hailans long mani tasol ol i go pas long hani bi projek, kopi, pis na ol arapela moa.

Em i tok DAL i gat ol rijonal na provinsal stesin tasol gavman i no gat luksave na i no save helpim DAL long wok bilong ol na ol DAL stesin i no wok gut long planti hap.

Mista Basil i tok DAL i gat ol planti saintis na ol saveman bilong egrikalsa long helpim ol piipel tasol ol i no save kisim gutpela helpim long gavman na planti ol infrastraksa i pundaun na ol stesin i bagrap long plant i yia.

Mista Basil i tok gavman i mas painim sampela rot long ol fama husat i hatwok long ples na groim ol egrikalsa samting i mas salim long gutpela maket na mekim mani long sapotim ol yet.

Mista Basil i tok moa olsem em i wok bilong gavman long painim maket, helpim ol DAL na mekim gutpela rot long helpim ol fama long wok hat long gaden na stap olgeta taim long ol fam bilong ol long sapotim ol yet.

# LNG baim papagraun kampani K2 bilien

**Stanley Nondol i raitim**

DVELOPA bilong multi bilien kina LNG projek, ExxonMobil PNG i tokaut olsem kampani i baim moa long K2.48 bilien long ol papgraun kampani long ol wok ol i mekim long taim bilong konstraksen.

Menesing Dairekta, Peter Graham i tokaut long dispela long tok tenkyu bilong em i go long ol papagraun kampani long ol wok helpim ol i mekim long taim bilong konas-traksen.

Em i tok olgeta helpim long papgraun kampani na ol arapela i lukim kantri i salim namba wan ges i go aut long wol maket long dispela wik.

Mista Graham i tok kampani i wok gut wantaim ol papagraun kampani na ol arapela kontrakta na wok i kamap gut tru na i kampani

bai salim ges long wol. Em i tok dispela em i gutpela nius bilong kantri na divelopa.

"Mipelai laik tok tenkyu long ol saplaia bilong mipela husat i bin wok wantaim mipela long taim wok konstraksen i stat". Mista Graham i tok.

"LNG projek i luksave long ol gutpela wok na bai i gat gutpela kaikai i kamap long ol gutpela wok bung namel long gavman, papagraun kampani, na ol arapela kontrakta na saplaia na kampani i luksave long gro bilong ol liklik bisnis insait long kantri." Mista Graham i tok.

Mista Graham i tok kampani kamapim Enterprice Centre long Pot Mosbi long 2010 na planti liklik bisnis i kisim sevis long wok bisnis. Na kampani i wok long helpim ol wantaim planti samting bilong mekim bisnis olsem edvais na ol

arapela.

Mista Graham i tok kampani i helpim planti ol liklik bisnis long kantri long taim bilong konstraksen na givim planti sans na opim rot long ol i gro.

PNG LNG Projek em i wanpela divelpomen i gat neturel ges prodaksen, prosesing fesiliti, onso na ofso prodaksen paiplain na likwifait fesiliti.

Mista Graham i tok em i bin wanpela hatpela wok long joinim ol ges long paip long ol sait olsem Hides, Juah i kam kamap autsait long Pot Mosbi.

I bin gat bikpela bus, taitwara, na bikpela maunten tasol olgeta hatwok i pinis wantaim helpim bilong olgeta kampani husat i wok long konstraksen taim.

Em i tok olgeta wok i pinis na kantri i salim namba wan ges i go aut long wol maket long Trinde.

# PM sapotim Simbu laim ston projek

**Stanley Nondol i raitim**

PRAIM Minista Peter O'Neill i tok gavman i givim sapot long Simbu laim ston projek na ol mani bilong projek bai go stret long kampani go pas long projek na Simbu Provinsal gavman long menesim na mekim stadi bilong projek.

Mista O'Neill long palamen i tok K28 milien bilong Simbu laim ston projek bai go stret long Simbu kam-

pani i go pas long projek na provinsal gavman long go pas long en.

Mista O'Neill i mekim dispela tok-tok bihain long memba bilong Chuave, Vera Mori i askim Mista O'Neill long givim K28 milien long Simbu provinsal gavman na papagraun kampani long menesim bikos K3milien bilong dispela projek i lus long Dipatmen bilong Komes na Indastri.

Mista Mori i tok gavman i givim K3milien long mekim wok stadi long

dispela projek na Dipatmen bilong Komes na Indastri i menseim tasol mani i lus na na no gat wok i kamap.

Mista Mori i tok laim ston long provins bilong em, Simbu em bikpela projek na taim i kamap simen fektori bai helpim ikonomi bilong kantri.

Mista O'Neill i tok laim ston projek em wanpela bikpela projek long kantri na gavman bai sapotim long em i ken kamap long Simbu na bai i gat planti kaikaiil kamap.



Memba bilong Bulolo Sam Basil wantaim opisa bilong DAL long Markham Veli

## PRE APPROVED\* LOANS AT YOUR FINGERTIPS

Simply download the  
loan app on our website  
at [www.fincorp.com.pg](http://www.fincorp.com.pg)  
and follow the prompts.

## APPLY FOR A LOAN! Right Here! Right Now!

\*Terms and conditions apply!







Olpela maining minista Sam Akoitai i givim tingting bilong em long media kibung long Madang las wik. *Poto: James G. Kila*

# Risos papagraun mas gat moa luksave – Akoitai

**James G. Kila i raitim**

**GUTPELA gavanens o kontrol bilong ol mani na helpim i kamaut long ol risos projek long PNG em bikpela samting tru we i ken mekim olgeta lain olsem ol stekholda bilong projek i amamas na stap wantaim belisi.**

Dispela em strongpela toktok olupela minista bilong Maining, Sam Akoitai i bin mekim.

Mista Akoitai i tok olsem bikpela samting long gavanens em taim ol papa bilong risos i amamas na stap wantaim belisi em bai lukim olgeta wok i kamap orait tasol.

Em i bin autim tingting bilong em long ol PNG media indastri na ol senia menesmen bilong ol maining na petroleum kampani husat i bin kibung long Madang long PNG Semba ov Mains na Petroleum media woksop las wik.

Em i tok wanem mani o helpim i kam long ol risos project long PNG i mas go aut stret na gut long olgeta lain na ol i mas kisim na amamas. Dispela ol helpim i mas go karamapim olgeta level blong stekholda stat long papagraun, lokal level gavman, provinsal gavman, nesanel gavman na developa bilong projek.

Mista Akoitai i tok olsem sampela tingting i wok long

kamap olsem ol papagraun i mas holim 100-pesen onasip o papa tru bilong projek i no ken stap long tingting bilong ol pipel long PNG, bikos dispela i no stap long Konstitusen o Mama Lo bilong PNG.

Narapela bikpela samting Mista Akoitai i bin tokaut long kibung em planti ol agrimen o memorandum ov agrimen (MOA) we i stap tude i moabeta long agrimen we i bin kamap long Bogenvil Kopa Main. BCL em wangepela bikpela kopa main insait long wol, tasol ol papagraun i no lukim gutpela kaikai bilong en, olsem na ol i belhat na kisim gan na statim woa egensim Gav-

man na developa.

Mista Akoitai i tokaut olsem tude, planti ol helpim we i go aut long ol arapela main insait long kantri em i gutpela moa na i winim Bogenvil.

Em i tok bikpela samting long ol agrimen namel long developa, Gavman na ol papagraun na ol arapela stekholda em olsem olgeta lain i mas glasim hevi bilong ol papagraun pastaim. Dispela em namba wan samting.

Mista Akoitai i tok komunikesen o toktok i go kam namel long olgeta lain i mas stat long taim pastaim long eksploersen, konstraksen a wok operesen i kamap.

## AMAMASIM MAMA DISPLA MEI WANTAIM APNG

Alotau ↔ Lae	K 449
Alotau ↔ Popondetta	K 379
Lae ↔ Buka	K 449
Lae ↔ Kavieng	K 369
Lae ↔ Madang	K 239
Lae ↔ Popondetta	K 279
Lae ↔ Kokopo	K 339
Lae ↔ Wewak	K 349
Madang ↔ Goroka	K 229
Madang ↔ Mt.Hagen	K 249
Madang ↔ Wewak	K 229
Port Moresby ↔ Buka	K 469
Port Moresby ↔ Daru	K 349
Port Moresby ↔ Goroka	K 299
Port Moresby ↔ Alotau	K 279
Port Moresby ↔ Mt.Hagen	K 299
Port Moresby ↔ Lae	K 249
Port Moresby ↔ Madang	K 299
Port Moresby ↔ Manus	K 399
Port Moresby ↔ Popondetta	K 209
Port Moresby ↔ Wewak	K 349
Kokopo ↔ Buka	K 249
Kokopo ↔ Kavieng	K 229

Di dispela balus ficket em wan wei long fai namel long Mei 10th igo Jun 15th, 2014, (u ken baim tiket namel long Mei 7th igo 20th Mei, 2014. Ruf blo baim tiket i stap na siti i sot.

Ringim 7222151  
or go lukluk long  
[www.apng.com](http://www.apng.com)

[www.apng.com](http://www.apng.com)

## Sios i no inap salim Lusip

**BUSTIN ANZU i raitim**

LUTERAN sios bai i no inap long salim Luship. I gat hevi i stap nau long dispela sip kampani bilong sios, tasol ELCPNG bai i no inap long salim.

Het bisop bilong Evanjelikel Lutheran Sios bilong Papua Niugini (ELCPNG) Giegere Wenge na Gavana bilong Morobe Kelly Naru i tok Luship em i hanmak bilong sios na bai ol i no inap long salim.

"Sios i no gat tingting long salim na ol i no gat plen bilong mekim dispela. Mi mas tok save long ol bilip manmeri bilong Lutheran insait long kantri olsem gavman bilong mi i mekim wok pas wantaim sios na bai sapotim em long operesen bilong sip," Naru i tok.

Gavana Naru i abrusim ol toktok we i bin kamap long nius olsem sios i gat tingting long salim Lusip na tok dispela em ol nius lain i no harim gut na putim i kam aut.

Gavana Naru na Bisop Wenge i bin mekim ol dispela toktok long ai bilong Vais Minista bilong edukesen na memba bilong Nawaeb Gisuwat Siniwin na ol niusman.

Tupela hetman bilong sios i tok Luship em i karim nius pes bilong sios na em bai stap olsem propeti bilong sios yet.

Dispela stori bilong salim sip i kamap bikpela taim Gavana Naru i tokaut long Yabim Seket Konprens long ples Bugaim, insait long Fin-safen long wiken. Seket tu i paul long dispela toktok.

Tasol bihain em i tokim ol niusman meri olsem dispela stori em i no tru na tok ol i harim krangki.

Bisop Wenge tu i tok dispela tokwin i no tru olsem bisnis han bilong sios, Kambang Holdings i laik salim Luship, we em bai salim isi, isi.

"Dispela tok em ol giaman na em

i no trupela toktok yupela i harim. Lutheran sios i no salim ol samting bilong Luship tasol i gat bikpela toktok i stap namel long planti lain bilong menesmen," Bisop i tok.

Siniwin, wangepela strongpela hetman bilong sios tu i tok Praim Minista Peter O'Neill i wari long wanem samting i kamap insait long ran bilong sios na Luship na putim pinis K10 milien long stretim hevi bilong Luship.

Tasol hevi bilong menesmen na tu, kot i mekim na Nesanel Gavman i holim bek dispela mani inap olgeta toktok o hevi i pinis.

Tasol em i tok hevi bilong menesmen em ol mas stretim hariap.

"Mi mas tok tru olsem Luship i gat hevi na mipela mas stretim. Sios i no tingting long salim sip kampani," Bisop i tok.

Luship i bin ran moa long 100 yia insait long ol wara bilong Morobe, Momase, Papua na Niugini Ailan na tu long Atonomos rijen bilong Bogenvil.

Long taim bilong Gutnius i kamap na kam long Papua Niugini i stat mekim ran bilong em pinis. Dispela i mekim laip bilong wok bilong sios i isi na tu, i bin helpim ol manmeri.

Bihain long sios i lusim mama sios bilong em long Lutheran Sios bilong Jemani, Luship i mekim wok bilong em yet. Em i stat aninit long ELCONG o Evanjelikel Lutheran Sios bilong Niugini. Na sevis bilong Luship i kamap nambawan tru.

Kain sip olsem MV *Kuder, Nagada, Simbang* na planti ol narapela sip i stap pinis long wara bilong Morobe yet.

Tasol i no longtaim, Luship i no mekim wok bilong em stret olsem bipo.

Planti long ol samting bilong Luship ol i salim na sampela i go aut nating na dispela i no gutpela nius bilong sios na 2 milien Lutheran bilip manmeri.



# Gavman bai mekim rivyu long 2014 baset

**NESENEL gavman bai mekim rivyu long 2014 nesanel baset long banisim 2015 baset. Dispela em long lukim gut rot bilong yusim mani bilong kantri na bungim divelopmen salens bilong kantri.**

Minista bilong Tresari, Patrick Pruaitch long dispela wik i tok, rivyu bai kamap long banisim mani

plen bilong 2015.

Mista Pruaitch i tokaut olsem wanpela gutpela praivet kamapni bai kamap rivyu bilong 2014 baset bilong kantri.

Mista Pruaitch i tok 2014 baset rivyu long skelim na dispela bai soim rot long gavman i ken putim mani long ol ki projek long 2015.

Em i tok 2013 na 2014, dispela gavman i tokaut

long bikipela mani long istri bilong kantri long mekim ol wok divelopmen insait long kantri.

Gavman i givim fri edukesen, fri besik helt sevis, na long planti infrastraksa projek long helpim nesanel,provinsal na lokal gavman.

Mista Pruaitch i tok dispela wok rivyu bai kisim olsem tripela mun na wok-

painim bai em i putim long pablik long mekim toktok na debat.

Ol sampela ki samting long dispela rivyu em;

■ Bai stretim rot long kisim baset long dinau i kam bek long balens baset

■ Lukim kliia na andastandim wok bilong PNG LNG projek na winmani bai kam insait long gavman i ken plen na lukluk long ol

arapela nikipela projek olsem LNG long bohain taim.

■ Bait ok kliia long wanem risos ol bisnis bilong gavman i nidim long givim ol sevis na sapotim ikomomi long gro.

Mista Pruaitch i tok ol-sampela ki eria bilong lukluk e mol wok bilong gavman long agrikalsa, fiseris, na forestry na ol arapela polisiss

bilong praivet sekta invesmen, pablik praivet patnasip na komyuniti sevis wok.

Em i tok dispela rivyu bai lukluk long sapotim edukesen, helt na lo na jastis sekta na stretim laip bilong ol pipel.

Mista Pruaitch i tok 2015 baset bai lukluk long groim moa risos long sapotim praivet sekta na kamapim moa wok long kantri.

## PNG bai baim SI K2.7m

Stanley Nondol i raitim

PNG gavman bai baim gavman bilong Solomon Ailain long K2.7 milien long takis bilong B Mobiel sevis long dispela wik.

Dispela em takis mani PNG gavman bai baim aninit long Solomon Ailain intenal Revenu Divisin long independen Pablik Bisnis Kopresen long agrimen namel long tupela kantri.

Dispela em mani bilong B Mobile kampani long givim sevis bilong mobail fon long Solomon na i no baim takis long las yia.

B Mobile inap long baim dispela long stat bilong dispela yia tasol ol i no baim.

B Mobile i wok klostu wanataim IRD bilong Solomon Ailan stat long las yia na em i tok em i moa gutpela long baim takis na kamap gutpela bisnis patna wantaim

Solomon Ailan.

PNG B Mobile kampani i tok tenkyu long IRD long stap isi na i bin wetim dispela mani longpela taim liklik Em i tok em i amamas long kain pasin na bai wok klostu long wok bisnis long ol yia i kam.

B Mobile i tok IRD i soim gutpela na stretpela pasin na dispela em i gutpela long ol outsait kantri i laik poromon wantaim Solomon Ailain long wok bisnis.

Gavman bilong Solomon Ailain aninit long Fainens Minista Rick Hou i tok bai no gat takis bilong B Mobile rol aut program long dispela yia long 3G agpred long Honiara.

Dispela 3G agpred bai kamap long ol wik i kam long B Mobile bai givim gutpela sevis long ol kastoma bilong en long Solomon Ailan.

B Moble i tok em i gat bilip na lukluk long givim gutpela mobail fon sevis long ol pipel bilong Solomon Ailan.



Drein bilong haidro pawa bilong Kujip Nasarin Haus Sik long Jiwaka Provins. Poto: DFID



Paia lait bilong ges long PNG LNG plent sait long Papa-Lealea. Poto: Nicky Bernard



## Grow your savings with us!

A Nationwide Microbank Fixed Deposit gives you the certainty of earning a guaranteed amount of interest over a fixed period of time.

With a choice of highly competitive interest rates and a wide selection of investment terms, it's a great way to grow your savings.



EARN UP TO

# 4.00%

INTEREST P.A.

For a fixed deposit invested for 360 days

EARN

## 1.75%

INTEREST P.A. FOR 30 DAYS

EARN

## 2.25%

INTEREST P.A. FOR 90 DAYS

EARN

## 3.00%

INTEREST P.A. FOR 180 DAYS

**An NMB Fixed Deposit is the smart investment.**

- ▶ Choose the term that suits you, from 30 days to 360 days.
- ▶ Your interest is fixed for your chosen term.
- ▶ Choose how your interest is paid.
- ▶ Options to invest from K5,000 to the maximum of K100,000.

Contact us online at [www.microbank.com.pg](http://www.microbank.com.pg)

**CALL CENTRE DIGICEL**

# 16789

**(FREE CALL)**



\*Terms effective 20 January 2014





# Ramu NiCo opim ai bilong ol nius lain wantaim indastri opisal

**R**AMU NiCo Projek insait long Madang em narakain moa long ol arapela maining projek bikos em i givim ol halivim long komyuniti em i wok long en maski olsem wok operesen i no kirap yet.

Pastaim Maining Minister, Sam Akoitai i tokaut long dispela long kibung bilong ol nius lain na ol maining opisal long wanpela woksop em Semba ov Mains na Petroleum i holim long Madang.

Mista Akoitai, husat i gat han-mak long planti bikpela polisi bilong gavman taim em i stap minista i tokaut olsem Ramu NiCo i narakain moa bikos long ol arapela maining projek, ol helpim i save go aut long ol komyuniti bihain long wok operesen i stat. Tasol long Ramu NiCo Projek insait long Madang i kamapim planti ol bikpela projek we i benefitim ol papagraun na kantri taim kampani i stap long wok konstraksen yet.

Ol narapela sinina opisal bilong ol arapela maining kampani long woksop tu i tokaut olsem dispela pasin Ramu NiCo Projek i kamapim em nupela kain histori tru, na ol komyuniti long Projek eria, provinsal gavman na ol pipel bilong Madang i mas luksave na lukautim gutpela dispela Projek long gutpela bihain taim bilong en.

Planti ol projek we Ramu NiCo i kamapim em Ramu NiCo bris long Usino-Bundi, Usino Jansen i go Yamagi na Kurumbukari rot, ol hausik, skul klasrum, ol agrikalsa projek na ol narapela helivim tu igo long komuniti na gavaman.

Ramu NiCo i bin stap tu long dispela midia woksop, we i lukim Vais Presiden bilong kampani, Wang Baowen i givim toktok long wok operesen bilong kampani na tu histori bilong kam bilong MCC long kantri bihain long Gavman askim MCC long kam long 2003.

Sam Akoitai i tok-klia tu long Gavman i givim 10-ya takis fri long kampani long amasim MCC-Grup long kam invest long kantri.

Em i tok Ramu Projek em planti ol arapela kampani long wol i lukim olsem ol i no inap kam na developim bikos ol nogat inap fainens na tu nogat inap sapat long lukim wok i go strong bihain na karim kaikai. Tasol MCC (Chinese Meturlurgical Koporesin) i sanap strong na i kam long kantri na brukim bus na wokim rot na bris abrusim Ramu riva na katim maunten i go antap long Kurumbukari na mekim wok.

Narapela ofisa bilong Ramu NiCo, Amanda Cai i bin opim stret ai bilong ol nius lain na ol maining indastri opisals long naispela toktok na salens em i givim long sait long wok long graun na holim graun long bringim developmen.

Amanda i tok God i blesim stret PNG wantaim planti graun na bus na diwai, na graun bilong PNG em bilak na i gat gutpela gris tru. Olsem na ol pipel i mas tingting long wok moa long graun blong ol na groim samting na kamapim developmen, na maski long

wetim tasol mani i kam long ol divelopa.

Dispela midia woksop long Madang i opim stret ai bilong planti ol nius lain long save moa long Ramu NiCo Projek. Dispela em bikos ol i askim planti kwesten na kisim ol gutpela bekim i kam long Ramu NiCo na ol lain saveman bilong maining indastri olsem Sam Akoitai.

Ramu NiCo i soim naispela pasin long holim kamap wanpela kaikai long Coast-watchers Hotel we ol nius lain i go kaikai long namba wan de bilong miting, na long las de bilong woksop, Ramu NiCo i kisim ol i go long Basamuk Rifaineri we ol i lukluk raun long wei kampani i save mekim MHP o prodakt bilong salim ovasis.

Pastaim sinia ripota na nau opisal bilong Semba ov Mains na Petroleum, Brian Gomez i amamas long Ramu NiCo i goaut long wei bilong en long redim wanpela lukluk raun bilong ol nius lain na indastri opisals i go long Basamuk Rifaineri.

Ol nius lain wantaim ol indastri opisal i kalap long sip bilong kampani na katim solwara i go long Basamuk we ol i go harim sefti indaksen na bihain kalap long bas na raun go lukim ol bikpela masin na rifaineri plent. Ol i gat sans tu long go lukim sentrol-kontrol rum bilong Basamuk Rifaineri we olgeta samting i wok long baten bilong kompiyuta tasol.

Ol nius lain i gat sans tu long kaikai long rifaineri mess o ples-kaikai long Basamuk na bihain ol i ron long bas i go lukluk raun long eria we ol wokman i save slip long en. HSE Sefti Menesa, Douglas Turner i givim toktok long ol na soim ol raun.

Mista Turner i tokim ol nius-lain olsem dispela ol haus blong slip we ol lukim long Basamuk em smat moa na winim ol arapela kain eria we ol maining wokman i save stap long en long Australia na PNG tu wantaim.

Mista Turner i tok em i bin wok 15 yia long Australia tasol em i no lukim kain ol haus-slip i wankain olsem dispela Ramu NiCo i wokim long Basamuk we i narakain tru na i smat moa. Antap long en tu ol nius lain i guria tru long lukim bikpela geit tru long PNG we i gat sain bilong Ramu NiCo i stap long en long welkam long lain i go insait long rifaineri.



1



2



3

1. Ol PNG niuslain na maining indastri opisal lukluk long Basamuk Rifaineri sentral kontrol rum.
2. Ol nius lain blong Mosbi i opim ai stret long bikpela bas blong Ramu NiCo long Basamuk.
3. Geit bilong Basamuk Rifaineri em bikpela moa insait long PNG.

**RAMU NiCo** **Ramu NiCo redi long givim**  
 Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisinim.  
 Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.  
**Ol dispela namba i soim klia mak bilong wok mipela i pinisim:**

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

**'Wanpela Ramu NiCo, Wanpela Komyuniti'**



# Ol meri fama long Rigo i gat nupela risos senta

SAMTING olsem 500 meri fama bilong Rigo Distrik, Sentral Provins i gat sans nau long mekim wok na kisim moa mani wantaim opening bilong nupela komyuniti risos senta.

Gavman bilong Australia aninit long Strongim Pipel Strongim Nesen Program (SPSN) i bin givim helpim mani inap long K79,400 bilong smol grent komyuniti divelopmen skim i go long ol meri bilong Rigo long mekim ol egrikalsa trening program.

Ol meri long tripela lokal level gavman eria bilong Rigo Kos Rurel, Rigo Sentral na Rigo Inlen Rurel i amamas tru long nupela bilding bilong ol i stap long Kokebagu fam klostu long Kwikila stesin.

Dispela bilding i gat opis bilong ol meri i stap long en.

Presiden bilong sosaiti, Nellie Bola i amamas long senta na em i tok senta bai kamapim planti gutpela samting olsem ples bilong holim ol bung, trening bilong ol sosaiti memba na komyuniti.

Misis Bola i amamas tu long helpim bilong Sentral Provinsal gavman we i givim wanpela nupela maket trak.

Opis bilong memba bilong Rigo, Ano Pala na Sentral

Gavana, Kila Haoda i givim dispela mani.

Dispela trak bai mekim wok i isi long karim ol samting i go long maket.

Dipatmen bilong Egrikalsa wantaim Sentral Provins i wok long givim trening na teknikal sapot i go long ol meri fama.

"Sosaiti i laik strongim ol meri na mekim moa meri i go insait long ol wok egrikalsa long distrik na ol i ken mekim mani long sapotim ol yet na ol famili bilong ol. Risos senta i givim mipela tingting olsem em i ples bilong mipela ol meri na tu, strongim tingting long wok hat," Misis Bola i tok.

Grup i bin kontributim K5,490 long bildim dispela risos senta. Fil Program Kodineta bilong SPSN, Sabi Pati, i amamas long ol meri na ol wok i bin kamap long pinisim gut dispela risos senta.

"Dispela fanding i kamap bikos Australia i harim laik bilong komyuniti bilong yupela long painim ol rot long mekim mani. Mipela i bilip olsem dispela projek bai helpim planti pipel na yupela olsem komyuniti bai lukautim em gut," Msta Pati i tok.



Ol meri fama bilong Rigo i amamas long opim nupela risos senta bilong ol. Poto: SPSN Midia

# Egrikalsa helpim ol meri Jiwaka

CECILIA Kuman i sanap insait long Grin Haus i raunim raisfil bilong em long ples Popon long Jiwaka Veli.

Ausait long haus bilong em na veli i naispela tru wantaim ol diwai na ples i grin stret.

Popon i wanpela long ol ples long Jiwaka i gat gutpela ples bilong wokim gaden na fam, na tu, em i gat ol meri bilong hatwok we Cecilia i go pas long ol.

Cecilia i presiden bilong Aviamp 2 Wimens Grup we i gat 300 meri i wok long kamapim gut we bilong gaden na faming.

Ol bin kirapim grup long 2002 na em i helpim gut ol meri long bung wantaim na salim ol gaden kaikai. Dispela i mekim na ol i no tromoim bikpela mani long baim trenspot long salim ol maket samting na long wankain taim, ol i kisim moa mani. Tu, dispela i mekim ol meri i luksave long ol gutpela maket we ol i ken kisim moa long ol.

"Moa meri i stap long faming bisnis nau," Cecilia i tok long ples bilong em.

Em i tok 80 pesen long ol fama insait long komyuniti bilong en em ol meri.

"Ol meri i sapotim ol man. Meri i kamapim olgeta samting komyuniti na famili i yusim, na dispela i bihainim rot we ol tumbuna bilong ol i save yusim long groim ol keskrop, ol kaukau, kon, pinat, popo,



Cecilia Kuman i sanap long grinhaus long ples bilong em, Popon.

painap na ol narapela kumu moa," Cecilia i tok.

Em i tok bihainim tumbuna rot long wok faming i mekim hat long ol famili i wokim winmani wantaim ol gaden kaikai ol i maketim.

Gavman bilong Australia

aninit long Strongim Pipel Strongim Nesen program, ol fama bilong Aviamp 2 Wimens Grup i bin kisim klostu long K74,000 grent mani long helpim ol kisim ol gutpela na nupela save long wok fama.

Ol grup memba i kisim trening long menesim risos, mekim mani, kamapim gut rot bilong mekim wok fama long kamapim moa kaikai na helpim fud sekyuriti na laip bilong ol pipel.

Wanpela meri nem bilong

em Bibi Elu i gat 35 krismas i amamas long save em i kisim long fama trening.

Em i tok pastaim ol i no bin save long kisim mani na sevim.

Em i tok bihain long trening, ol bin amamas tru na go het long planim kabis.

"Mi bin wokim K200 winmani na dispela i helpim mi long baim sop, omo na salim ol pikinini bilong mi i go long skul. Mi wok long sevim mani i stap, na nau mi wokim nupela gaden long wokim moa winmani," Bibi i tok.

Dispela projek i wok gut tu wantaim ol yut long eria na dispela i helpim ol long lusim ol bikhet na raskol pasin na kisim intres long faming.

Wanpela long ol em Simon Clement, i gat 30 krismas.

"Faming nau i laip bilong mipela. Mipela i luksave long ol gutpela samting trening i givim mipela we i helpim mipela long lusim ol bikhet pasin, na tingting long bihain taim bilong mipela. Nau mi save long groim ksabis, kerot na groim na milim o rausim skin na pipia bilong rais," Simon i tok.

Mama Lucy Alphonse i gat tupela pikinini na em i gat HIV binatang. Sapot bilong gavman bilong Australia long ol Aviamp 2 Wimens Grup i helpim em gut.

Pastaim long em i joinim grup, em bin kisim taim stret

na stap. Em i bin stap wantaim pret na sem bikos em i gat HIV. Tasol taim Cecilia i askim em long joinim grup bilong em, laip bilong em i kamap gut.

Lucy i stori long ol senis i kamap long en wantaim helpim i kam long planim bilong Australia.

"O yes, mi lukim bikpela senis long laip bilong mi. Bipo mi joinim grup, no gat lain save helpim mi. Mi yet i save mekim wok bilong man na meri. Mi wok gaden, salim kaikaki, na painim nupela sid.

"Tasol taim mi joinim dispela grup, mi lukim olsem planti meri i stap insait na ol i welkamim mi wantaim belisi.

"Na em bin isi long mi kisim sid na save long planim kaikai olsem kabis na kerot long famili bilong mi long kaikai. Sampela taim mi bung wantaim ol narapela meri na mipela i salim long maket.

"Dispela i lukim mi gat inap mani bilong salim pikinini i go long skul na long lukautim marasin bilong mi.

"Mi amamas na mi bilip olsem bai mi stap longpela taim long lukautim ol pikinini bilong mi.

"Dispela em i bikpela samting stret i kamap long laip bilong mi. Mi laik tok tenkyu long pipel bilong Australia long i gat luksave long ol tarangu lain olsem mi," Lucy i tok.



# Tura sapotim PNG Golp Open

Isaac Liri i raitim

OPISAL maskot bilong 2015 Pasifik Gems, Tura, i bin soim sampela kala taim em i go raun lukluk long Saut Pasifik Ekspot PNG Golp Open long Mosbi. Dispela tonamen i bin stat long namba 8 de bilong dispela mun, na pinis long namba 11 de.

Raun bilong Tura long dispela taim i bin givim sans long planti sponsa long kisim poto wantaim em. Ol sponsa i bin amamas tru long lukim Tura.

South Pacific Brewery i bin stap olsem namba wan sponsa bilong dispela golp tonamen we i bin lukim ol pilaia i kam long Nu Silan, Australia, Fiji, Solomon Ailan na Papua Niugini.

Sif Eksekutiv Opisa (CEO) bilong Pasifik Gems Ogenaising Komiti (GOC), Peter Stewart i bin amamas tru long lukim Tura i raun long dispela tonamen. Em i tok golp i wanpela spot we bai kamap long 2015 Pasifik Gems, na sapot bilong Tura i soim olsem GOC i amamas long wok pren wantaim SPB, long wanem, SPB em i wanpela sapot sponsa bilong 2015 Pasifik Gems.

Em i tok raun bilong Tura long dispela tonamen i bringim spirit bilong Pasifik Gems, na em i gat strong-pela bilip olsem raun bilong Tura long nau, na long taim bilong Pasifik Gems, bai bringim planti amamas long ol manmeri long Papua Niugini na Pasifik.



Tura i sanap wantaim ol yangpela model

## Sprinta bilong Australia bai toktok long SP Awods

SIAMAN bilong SP Awods Ogenaising Komiti, Andrew Lepani, i tokaut long dispela wik olsem wanpela sprinta bilong Australia, Patrick Johnson, bai stap olsem ges spika long SP Spots Awods long neks wik.

Mama i bin karim Patrick Johnson long wanpela spit bot long namba 26 de bilong mun Septemba, na Johnson i bikpela long Not Kwinlan. Em i bin kisim luksave long etletiks taim em i resis long Australia Yunivesiti Gems long Kenbera long 1996.

Johnson em man husat i holim rekot bilong Osenia na Australia long 100 mita sprint wantaim 9.93 seken. Em i bin kisim dispela rekot long Japan long namba 5 de bilong mun Me, 2003, na em holim dispela rekot inap long 11 -pela olgeta.

Long histori bilong etletiks, ol sprinta bilong Afrika anisol i save kisim rekot aninit long 10 seken, na Johnson i bin namba wan man husat i no bilong Afrika long brukim rekot na ran 100 mita aninit long 10 seken.

Long 2002 Komonwelt Gems, Johnson i bin winim brons medal long 4x100m riley long 2002, na long 2010, em i kisim silva long wankain resis.



Sprinta bilong Australia, Patrick Johnson, bai wanpela spika long SP Spots Awods.

## Angliken Bishop kap i stat

Gilfort Kove i raitim

ANGLIKEN Sios insait long Pot Mosbi Daiosis bai lukim bikpela pilai bilong winim bisop kap i stat long dispela mun.

Bisop kap em i wanpela pilai we i save kamap olgeta yia. Olgeta peris insait long Mosbi Daiosis bai kam bung wantaim long pilai.

Diken Thomas Deuhapa bilong Holi Femili Peris long Hohola em man husat i go pas long dispela pilai.

Long wanpela bung em i tok olsem ol dispela pilai i save kamap long promotim na strongim pasin bilong wok poroman namel long ol peris, long strongim lotu, netwok na tim wok namel long ol peris na ol manmeri.

Diken Thomas i tok taim dispela program i stat long 2010, pilai i bin kamap olsem wanpela ivent we i save kamap long olgeta yia. Ol yangpela manmeri i save soim bikpela laik na luksave long ol dispela pilai.

Diken Thomas i tok bihain long olgeta gem, i bai gat ol nait ektiviti olsem baibel askim, talen nait, na kwaia singsing.

Long las yia, Sent Francis Koki i bin hostim ol dispela



Diken bilong Holi Femili Peris long Hohola, Diken Thomas Deuhapa, i sanap na holim Bisop kap.

pilai. Long dispela yia, Holi Femili Hohola bai hostim.

Ol gem we bai kamap em ragbi tas bilong man, meri na miks tim, soka bilong man na meri, na volibal bi-

long man na meri.

Ol pilai bai kamap lo Pot Mosbi Nesanel Haiskul long Renbo. Sent Francis Peris long Koki i bin winim ol dispela pilai long las yia.



# NSL redi long ol fainel

## Isaac Liri i raitim

RAUN 14 bilong Nesenel Soka Lig (NSL) i bin pinis long las wiken wantaim Hekari long namba wan ples wantaim 31 poin.

Hekari i kisim maina premiasip, na ol i no gat lus. Ol i winim Gigira Morobe FC long las wiken wantaim skoa 3-1. Morobe FC i sindaun long namba foa ples wantaim 17 poin, na ol bai pilai long fainel long dispela wik.

Oro FC i bin stap malolo long las wiken, na ol i sindaun namba tri long lata wantaim 20 poin.

Golkipa bilong Oro FC, David Hauka, i tok ol i trending strong, na ol i redi long pilai long ol fainel long dispela wiken.

Oro FC bai pilai egensim Lae FC long semi fainel. Lae FC i sindaun long

namba tri ples long lata bihain long ol i winim ol Eastern Stars 4-0 long las wiken, na tu, ol i winim Admiralty FC 2-1 long dispela wik long wanpela was aut gem.

Dispela was aut gem em bilong raun 9 namel long Admiralty FC na Lae FC. Dispela raun 9 gem i no bin pinis bikos wanpela bikpela pait i bin kamap long dispela taim we i bin stopim gem.

Tim Menesa bilong Lae FC, David Zemo, i tok ol pilai long em i bin redi long pilai dispela was aut gem, na long dispela as, ol i win.

Ol Admiralty i bin kamap wantaim wanpela strongpela pilai tu, tasol Lae FC i bin strong na daunim ol long namba tu hap bilong gem.

Difens bilong ol Lae FC i bin strong tru, na ol i no givim sans long ol straika

bilong Admiralty long skoa long namba tu hap bilong gem.

Skoa bilong dispela was aut gem long hap taim i bin stap 1-1, na planti manmeri husat i bin lukim dispela gem i bin ting olsem Admiralty bai win.

Mista Zemo i tok Lae FC i redi long pilai long semi fainel long dispela wiken, na ol pilai bilong em i trending strong.

Em i tok ol i no gat ekspiriens long pilai long ol fainel bikos ol i nupela long kompetisen, tasol em i gat strongpela bilip olsem ol pilai bilong em i gat inap skill na save long win.

Mista Zemo i tok ol i no inap long luk daun long Oro FC, bilong wanem, ol i save olsem Oro i gat wanpela strongpela tim, na tu, ol i gat ol gutpela kosa na treina.

Admiralty, Besta, na East-

ern Stars i no gat sans long pilai long ol fainel nau. Dispela tripela tim bai traimgen long neks yia.



Golkipa bilong Admiralty i stopim bal long go insait long gol pos Poto Isaac Liri.

## Maru i kamap patron bilong ESP kik boksen

MINISTA bilong Treid, Komes na Industri, na mamba bilong Yangoru- Saussia, Richard Maru, i nau kamap olsem patron bilong Is Sepik Kik boksen Asosieisen.

Is Sepik Provinsel Kik boksen Asosieisen i bin makim em long kisim dispela posisen long las wik bihain long em i tokaut olsem em bai sponsa long Is Sepik Kik boksen Sempionsip we bai kamap long ples Bapendu long Wes Yangoru long mun Julai.

"Mi wanbel long stap olsem patron bilong Is Sepik Kikboksen Asosieisen, na tu, mi amamas long lukim dispela kain tonamen i kamap long distrik bilong mi," Mista Maru i tok.


Mista Maru i tok em i laik lukim dispela tonamen i kamap, na long dispela as, em i stap olsem namba wan sponsa bilong dispela tonamen. Em i tok em bai painim ol arapela sponsa tu long sapatim dispela tonamen.

"Sapos dispela tonamen i kamap gut, em i soim olsem Yangoru Saussia i ken hostim ol kain tonamen olsem long taim bihain tu," Mista Maru i tok.

Ol paita husat bai pilai long tonamen bai kam long olgeta distrik bilong Is Sepik Provins.

Kodineita bilong dispela tonamen, na Sif Instruksa bilong Kik boksen long Momase Rijon, Mark Sai, i tok tenk yu long Mista Maru na Yangoru-Saussia Distrik long givim fainensel sapat long dispela tonamen.

Long dispela tonamen, Is Sepik Kik boksen Asosieisen bai makim ol paita bilong karim nem bilong provins na pait long Nesenel Kik boksen Tonamen we bai kamap long Lae long dispela yia.



Memba bilong Yangoru-Saussia, Richard Maru

Bihain long Nesenel Kik boksen Tonamen, Is Sepik Kik boksen Asosieisen bai makim ol paita bilong karim nem bilong provins na pilai long PNG Gems we bai kamap long Lae tu.

Antap long dispela, Mista Maru i tok Yangoru-Saussia bai hostim wanpela soka tonamen tu. Em i laikim ol manmeri long redi nau long dispela soka tonamen.

## EHP maselman Bomal winim bek Mista PNG taitel

### Sape Meta i raitim

BIKNEM Isten Hailans bodibilda, masel man, na taitol holda bilong Mista PNG, Steven Bomal, i winim bek dispela taitel em i holim long namba 22 PNG Nesenel Bodibilding Sempionsip we i bin kamap long YC Hol long Goroka, Isten Hailans long Sarere wik i go pinis.

Em i no bin isi long Bomal long winim bek dispela taitel, long wanem, em i bin resis egensim 6-pela arapela bodibilda husat em ol yangpela, na strongpela man.

Ol dispela arapela bodibilda i makim ol senta olsem Bogenvil, NCD, Morobe, Jiwaka na Isten Hailans yet long olgeta divisen stat long 65 kilogrem na i go antap long 105 kilogrem.

Bomal husat i bin kisim bodibilding spot na i stap wantaim dispela spot klostu long 40 krismas i tok em bai ritaia long resis long dispela spot na go bek long asples bilong em long Simbu provins na helpim ol yangpela manmeri long ples long bodibilding spot na lusim ol bikhet pasin we i save bagarapim komyuniti.

Bomal i tok bodibilding spot i ken senisim pasin bilong ol manmeri, na helpim ol long stap gut na helti, na tu, makim Simbu na resis egensim ol bodibilda bilong ol arapela provins na i go resis tu long ovasis.

Bomal i bin winim Mista PNG taitel foapela taim pinis. Em i bin win long 1996, 2006, 2008, 2013, na dispela em namba faiv taim gen long em i winim taitel bilong Mista PNG long 2014.

Long wankain pasin, meri Isten Hailans Misah Avefa i winim tu 2014 Mis PNG taitel.



NAMBA 22 BODI BILDING SEMPIONSIP... Maselman bilong Isten Hailans Steven Bomal i kisim bek tropi, na kisim poto wantaim ol representiv bilong opisal sponsa bilong namba 22 PNG Nesenel Bodi bilding Sempionsip, Coffee Connections kampani George Anian na Teknikel Kodineta bilong Isten Hailans Bodi bilding Asosiesen Alphonse Benny.

### - Wiken NSL Semi Fainel Dro -

Date	Time	Team A	Vs	Team B	Venue
17th - May	12.30pm	Lae FC	Vs	Oro FC	SIK/Lae
	3.00pm	Hekari FC	Vs	Gigira Laitepo Morobe FC	SIK/Lae





# Ol poto na stori i kam long NRL websait





## SPOTS DRO RAUN 10

Fraide: Me 16, 2014

**ANZ Stadium**  
Rabbitohs V<sup>s</sup> Storm






**Suncorp Stadium**  
Broncos V<sup>s</sup> Titans






Sarare: Me 17, 2014



**Pirtek Stadium**  
Eels V<sup>s</sup> Dragons

**Remondis Stadium**  
Sharks V<sup>s</sup> W/Tigers






**Smiles Stadium**  
Cowboys V<sup>s</sup> Roosters






Sande: Me 18, 2014

**GIO Stadium**  
Raiders V<sup>s</sup> Panthers

**Waikato Stadium**  
Bulldogs V<sup>s</sup> Warriors

Mande: Me 19, 2014

**Brookvale Oval**  
Manly V<sup>s</sup> Knights




### Raun 9 Poin Lata

Pos	Tim	W	B	L	D	Pts
1.	Bulldogs	7		2		14
2.	Sea Eagles	6		3		12
3.	Titans	6		3		12
4.	Roosters	5		3		10
5.	Rabbitohs	5		4		10
6.	Panthers	5		4		10
7.	W/Tigers	5		4		10
8.	Storm	5		4		10
9.	Eels	5		4		10
10.	Cowboys	4		5		8
11.	Broncos	4		5		8
12.	Warriors	4		5		8
13.	Dragons	4		5		8
14.	Raiders	3		6		6
15.	Sharks	2		7		4
16.	Sharks	2		7		4



**ROOSTERS:** Hapbek bilong Sydney Roosters, Mitchell Pearce bai i no inap long pilai long dispela wiken bihain long NRL i sasim em wantaim A\$ 20 000 fain. Pearce i bin mekim sampela asua long wanpela nait klap long Australia.



**TTITANS:** Kosa bilong Gold Coast Titans, John Cartwright, i rausim tupela pilaia bilong em, Prop Ryan James, na Hooker Matt Srama. Dispela tupela pilaia i no pilai gut, na long dispela as, Cartwright i rausim ol.

## Hunters redi long autim ol Devils

PNG Hunters i sindaun long namba tri spot long lata wantaim 13 poin, na ol i trening strong tru long dispela wik long wanem ol i lukim olsem dispela gem bilong ol egensim ol Norths Devils long dispela wiken em i wanpela bikpela gem tru.

Ol Devils i bin lus long las wik taim ol i pilai egensim Redcliffe Dolphins, na ol i sindaun namba foa long lata bihain tasol long ol Hunters. Kosa bilong ol PNG Hunters, Michael Marum, i tok olsem ol i no inap long luk daun long ol Devils, long wanem, dispela tim em i wanpela strongpela tim, na ol i gat gupela rekot long In-trast Supa Kap long dispela wika.

Bikos Devils i wanpela strongpela tim insait long kompetisen, Kosa Marum i tokim ol pilaia bilong em long dispela wik long trening long pilai strong olsem las wiken taim ol i bin kam bek long winim ol Wynnum Many Seagulls.

Kepten bilong ol Hunters, Israel Eliab, husat i bin mis aut long las wik gem bikos long sik malaria, bai i no inap long pilai long dispela wik gen, long wanem, em i pilim sik yet. Adex Wera na Roger Laka bai stap olsem ol kepten bilong ol long dispela wiken.

Noel Zeming bai kism ples bilong Eliab na pilai long faiv eit.

George Benson, husat i bin gut tru long fowod long las wik bai pilai long fowod gen long dispela wiken na Edward Goma bai kism ples bilong em long wing.

Timothy Lomai, husat i bin stap long saspensen long tupela wik bai mekim kam bek bilong em long dispela wik.

Lain ap bilong ol Hunters i stap olsem, 1. Adex Wera 2. Garry Lo 3. Thompson Teteh 4. Albert Patak 5. Edward Goma 6. Noel Zeming 7. Roger Laka 8. Joe Bruno 9. Wartovo Puara 10. Esau Siune 11. George Benson 12. Sebastian Pandia 13. Adam Korave 14. Timothy Lomai 15. Willie Minoga 16. Lawrence Tu'u 17. Tiger Emery 18. Noel Joel 19. Stanton Albert 20. Dion Aiye.

### QRL Intrust Super Cup draw

Round 12 (17-18 May)		
Home	Vs	Away
PNG		Norths
Pride		Burleigh
Redcliffe		Sunshine Coast
Souths		Mackay
Ipswich		Easts
Capras		Tweed
Wynnum		Bye

### Raun 11 poin lata

Pos	Tim	W	B	L	D	Pts
1.	Ipswich Jets	8	1	2	0	18
2.	Northern Pride*	7	1	2	0	16
3.	Hunters	6	2	3	1	15
4.	WM Seagulls	7	0	4	0	14
5.	Devils	7	0	4	0	14
6.	TH Seagulls	5	1	5	0	12
7.	Bears	5	1	5	0	12
8.	East Tigers*	4	1	5	1	11
9.	Redcliffe Dolphins	4	1	6	1	11
10.	Magpies	4	1	6	0	10
11.	Mackay Cutters	4	1	6	0	10
12.	CQ Capras	2	1	7	1	7
13.	S Coast Falcons	0	1	10	0	2

\*Northern Pride vs Eastern Tigers postponed to Sunday 6th July



# Ol spot eksen poto long wiken...

1



Poto Nicky Bernard.

2



3



4



6



5



1. Pot Mosbi Netbal kompetisen long Bisini.
2. LASPELA WOKABAUT: Keria bilong Wina bilong PNG Open Golf long Mosbi.
3. Wanpela bilong ol golfa i redi long paitim bal.
4. PAINIM BOKSA: Ol boksing klap long Mosbi na Sentral i wok long redim ol boksa bilong long PNG Gems bai kamp long dispela yia.
5. Tura i bungim ol BSP wok meri long taim bilong Golf. BSP em bikpela sponsa bilong Pasifik Gems.
6. NSL Soka eksen namel long Admiralty na Besta long Bisini long Pot Mosbi.

**TOKSAVE:** Salim ol spots dro bilong yu kam long Feks; 325 2579, e-mel; [bveo@wantok.com.pg](mailto:bveo@wantok.com.pg) o kam lusim long Wantok Niuspepa opis long Able Building Complex long Central Waigani, NCD.





**TUNA IN OIL**

*Moa oil na meat insait*

# Ol PNG lewa i brukim lewa bilong ol Japan

Isaac Liri i raitim



Wina bilong PNG Golf Open, Kalem Richardson, i sanap wantaim ol sponsa bilong tonamen. Kalem bilong Australia i tok hat wok bilong em long trening i karim kaikai. Kalem i laik lukim dispela spot i kamap bikpela long Papua Niugini, na em i toktok pinis long sampela ol yangpela golp pilaia long skul strong na trening strong. *Poto Nicky Bernard.*

KRIKET i no spot bilong ol man tasol, nogat. Ol meri tu inap long pilaim dispela spot, na ol i soim ol manmeri long kantri, na long Is Esia Pasifik rijon olsem ol i gat namba long dispela spot bihain long ol i winim ol Japan long autim Is Esia APasifik (EAP) Wimens Tropi.

Win bilong dispela nesanel wimens kriket tim i bringim planti amamas long ol pipel bilong Papua Niugini. Kosa bilong ol PNG Lewa, Kune Amini, i gat strongpela tingting olsem ol PNG Lewa i ken putim Papua Niugini long wol map.

Em i tok olsem ol PNG lewa i bin gat planti yangpela pilaia, na ol Japan i bin gat planti eksperiens pilaia. "Tasol ol dispela yangpela meri PNG i bin pilai strong stret na win," Kosa Amini i tok

Taim ol i kam bek long Japan long dispela wik, bikpela amamas i bin kamap long Jacksions ples balus we ol famili, sapota, na tu, opisal maskot bilong 2015 Pasifik Gems, Tura, i bin stap long welkamim tim i kam bek long kantri.

Kepten bilong ol Lewa, Pauke Siaka, i tok em i no bin isi long winim ol Japan, long wanem, ol i bin stap olsem sempion bilong dispela tonamen na ol i bin winim dispela tonamen long bipo. Em i tok ol meri i bin strong na pilai na em i amamas long ol.

Win bilong ol PNG Lewa long dispela EAP tonamen bai lukim ol i pilai long T20 Cricket Wol Kap Kwalifaia.



# PMV

DIESEL OIL



## PMV OIL BILONG YUMI

**BOROKO MOTORS**

PORT Moresby	☎ 325 5251
LAE	☎ 472 1144
MT HAGEN	☎ 542 1803
TABUBIL	☎ 649 9048
KUMBE	☎ 933 5835
MAKANG	☎ 422 2558
KOKOPO	☎ 982 8102
GORDON	☎ 932 3352

Crude Oil: info@borokomotors.com.pg  
Website: www.borokomotors.com